

通化縣志



通化縣志卷四

藝文總序

聖賢之所以經緯萬象黻黼人倫者亦安恃乎曰文而已文者天地之精英日月之光華山川之雄偉五行之毓秀也故易曰觀乎天文以察時變觀乎人文以化成天下有以哉試縱觀往古夏書灑灑商書渾渾周書噩噩故能輔相天地而不過昭明日月而不忒調燮四時而不易此文之至者也降洎秦漢則以雄直稱魏晉六朝則以穠華著李唐以來韓柳起而復古趙宋以後歐曾起而蹕躡元代氣骨稍間明室體制繁縟降至近世箸述如林體制文思雖各有得失然上欲敷德教於下下欲抒情意於上則文字實爲不可少者也惟我

縣設治較晚儒林箸述夙乏其選茲編選自近代體制繁蕪本不足  
以垂世行遠特以書史志實不廢擊壤之歌聖人觀風垂及芻蕘之  
言爰本斯旨而志藝文計分文藝詩歌二門都為第四卷

初而不甚其文也至若山則前秦魏以華而蘇魏晉六朝則以繁  
善而取以齊魏則始強而天賦而不繼則則日且而不為騰變四  
以秦初變而平人文以外如天不有以始焉辨辨古古夏書臨臨商  
之詩其口以之漢華山川之賦前正正之漢表也始是日辨平天文  
聖賢之教以辨其出象辨論人倫者亦表辨平曰文而曰文者天賦  
藝文類事

## 文藝志

通化古稱瓦爾喀東有龍岡玉皇諸山扶輿磅礴從長白千里而來巖石盤陀連峯疊嶂勢鬱鬱而氣葱葱佟佳江清漣屈曲淨不可唾如練如帶虹繞東西作掞金戛玉之音山水鍾靈其人固當以風雅文章顯特自作邑以來志乘闕然惟一二名宦傑作忠烈傳紀尙藉藉在人口餘則渺矣觀風者有遺憾焉然而天壤灑氣卷舒鼓盪薄激風雅不盡於中原也國家教澤涵濡習尙思潮文章不限於邊徼也當科舉時代通化學額限制文運苦其鬱而不暢自學校興而士氣振二十年來樹人林立培養優秀文采爛然不惟游京師留外洋者蜚聲翰墨即畢業省縣者衡文角藝亦且多有可觀文運以時勢

爲轉移所謂山水鍾靈者其在茲乎間取是邦鴻製手披目覽擇其  
尤雅馴者如千篇名曰藝文志非敢謂登峯造極有聞樂觀止之嘆  
亦且騁彼筆陣可喜可愕可泣可歌之事雖未必璞玉渾金粹然足  
以鳴世而其文其事錚錚佼佼則皆可以鼓動倫類潤色山川於以  
促文運而振頽風顧不偉乎昔孫子荆有言其山崔巍而嵯峨其水  
岬嶨而揚波其人磊阿而英多竊本斯語爲通化志藝文即爲通化  
表士風云

張君明璠傳

潘德荃

先生諱明璠字亞權奉天通化縣人先世多隱德父諱希寬僞忠義軍之變創辦團練捍衛一方孤立無援卒以身殉先生爲公第三子尙氣節有父風慨舊學之日麗於虛棄而從事實業卓然成商界農界鉅子歲甲寅濛匪王登瀛王東洋鐵公鷄劉占九等黨羽二百餘人攻破撫松賚從日衆屢犯臨江之八道江三岔子該處爲通化門戶商舖又多通化分號公電私函星夜求救本唇齒相依之義分警團二百馳往代守匪詗知通化警團數本簡單又分兵外出乃密選強而悍者二百有四十人交匪首王東洋由間道竄小羅圈溝意圖撲我縣城先生聞之赫然起曰小醜敢爾邀集戚鄰僅二十人肩隨

伯兄手契季弟奮力擊退區官鄭福祥亦率隊馳至冒雨渡河大斲  
授首一鄉以安爨六者本溪縣之巨盜竄擾寬甸興京等處歷有年  
所乙卯七月旣攻陷桓仁縣城復窺我江甸子富爾江口高力木子  
胥爲警務長江存清擊退然意未嘗一日忘我也其言曰得五撫松  
得兩桓仁不如得一通化陸防各軍雲集桓仁西南路已不可通非  
陷通化不能飽掠歸去乃迂道輯安縣境潛分二股西趨大廟溝東  
趨小羅圈溝同時撲城時通化警團應桓仁縣之求助悉赴南區雨  
注江阻猝不及調大廟溝之高力河適當其衝距城尤近徵及警團  
不得不先擇要堵截匪戰不利復折回輯安境聚四百餘人之全力  
撲我小羅圈溝彼馬我步馳救不及先生家大道旁有隘可守而先



生毅然不屑會合少數警團力堵股匪入城要道匪畏其勢分股焚  
先生廬冀以惑先生心而先生悍然不問甘以身家犧牲社會匪勢  
益厚或勸少退以待援師而先生忿然不顧戰三小時愈接愈厲卒  
以兵力單子藥罄沒於陣先生雖陣亡匪終不敢西撲城北渡江遁  
爲保衛團辦事員趙德喜所扼一擊潰散先生之功顧不偉哉事聞  
督軍震悼優令存問匾額褒揚德荃奉命廣集地方團體親送匾額  
至先生祠與都人士憑弔殉難處所二三父老僉以張氏一門忠烈  
喬梓媿美傳爲盛事云爾

張丙南傳

潘德荃

張丙南字文浦其先世不可考日俄之戰投入忠義軍降於今保衛

團辦事員趙德喜短小勇敢趙倚之如左右手前後數十戰厥功甚偉因家焉歲甲寅濛匪王登瀛王東洋鐵公鷄劉占九黨羽二百餘人既分股竄我小羅圈溝爲故紳張明璠區官鄭福祥殲滅殆淨餘匪攻陷撫松勢益披猖陸防各軍陸續東上幾二千人時我通化警團赴臨江縣之求助尙分駐於三岔子八道江德荃竊自計曰撫松新設治地曠人稀賊必不久踞保非誘兵東去乘虛由間道西撲我通乃飛檄警務長江存清由紅土崖回守縣城辦事員趙德喜由旱葱溝回守北區我兵甫入龍崗賊四百餘已蜂擁至丙南隨趙德喜大呼追擊賊稔知趙駐守三岔子雖馳救必不及初尙疑爲假名恫喝及迎面交及心膽俱裂幾疑我兵從天而下也丙南等乘勢痛勦

擒斬三十餘人逐北五百餘里始奏凱回論功任保衛第一團團總  
乙卯夏欒匪由本溪縣竄擾興京寬甸並攻破桓仁賚從益衆窺我  
富爾江東西江甸高力墓子爲警務長江存清擊退乃改道輯安境  
分兩股同時撲我縣城張紳明璠陣亡丙南復隨趙德喜馳救賊已  
北渡江初本尾追也丙南等攀深林陟危崖出賊前賊知我兵善戰  
節節設伏丙南奮然曰不入虎穴安得虎子乘夜入伏縱火焚賊渠  
所居廬賊倉皇出短兵相接欒匪重傷垂獲矣適丙南中彈亡始逸  
去趙撫丙南屍哭之慟軍心益奮裹傷再戰三擊三勝欒匪僅以身  
免嗚呼蠢爾小醜聚而殲之一鼓間耳乃旣喪我張紳明璠復喪我  
張團總丙南豈造物之不仁耶抑忠烈出於一姓天欲表章張氏耶

事聞照警官例議恤丙南之死在急於爲張紳明璠復仇又係同姓故旣傳張紳明璠復爲丙南叙其崖略後之修鄉土志者兼收而並採焉

劉永貴傳

潘德荃

自張氏出兩忠烈通人士聞風興起不數月而有保衛第二團團總劉永貴擊賊陣亡事劉永貴字玉亭奉天通化縣人世居恭梓鄉二道江業耕讀與故紳張明璠有葭莩親民國五年四月公舉任是職編製戶口盤詰奸宄爲全縣最夏六月殷德明等受匪首雙紅煽惑黨羽數十人擾我大羅圈八道溝撓頭溝一帶永貴親督團丁斃匪五人以中彈亡永貴任事甫二月即能與張紳明璠不惜一身犧牲

社會男兒死耳尙復何尤所念恭梓一鄉東接臨江之紅土崖北接柳河之龍崗向爲盜賊出沒處所防勦事宜正未有艾鄉多果敢善戰之士繼其後者尙其臨事好謀毋徒恃勇竟永貴及張紳未竟之志焉此則跂予望之者也

中華民國五年通化縣知事潘德荃謹撰

通化縣志卷四 文藝志 六

覆瓿錄序

潘德荃

天之生材必不使席厚履豐有依賴心無刻苦志漢朱馬宋王呂其先例也亦婦孺皆能知能言者也宮生潤章立志純求學勤處境窘意者將降大任天之厄生正天之玉成生歟生好學學必精懼學之或間斷也仿困學記顏曰覆瓿錄舉教室之講授與平日之聞知別類分門悉載之錄守此不變所造豈可以尺寸量異日樹幟文壇在綠江白水間增一健將不可謂非社會光榮吾黨幸福也走聞之爲之喜若狂病若失爰泚筆爲之序

爲救貧所募捐啟

潘德荃

謹啓者竊聞二量大三齊之族一鍾開七穆之宗貸息錢而置院坊  
人歌樂土出私財而資饘粥天錫豐年鑑往古以詔來茲種善因必  
收良果通化地處遠塞邑多流民大都爲寒迫饑驅始來自海南山  
左烏頭年壯胼胝尙可謀生馬齒日增老病詎能食力飲風嚼雪一  
飯難求倒壑填溝百呼莫救德荃自慚溺職莫惠窮黎欲解衣則到  
處鶉結鷄皺幾嘆田單裘盡欲推食則無數鳩形鵠面徒嗟郭默倉  
空設非社會集腋而成恐遺溱洧濟人之誚茲幸地方團體軫念桑  
梓同胞假定自治公共房組織臨時救貧所期限百五日冬季以小  
雪爲始春明至驚蟄而終額設二十名早晚納黍粥兩餐死亡予板

棺一具房舍務掃除使潔免教傳染成災絮棉則新舊咸宜但博苦  
寒可禦俾孤老病諸民得其所以治農商三界董其成惟是款必籌  
有經常事始能期久遠敢掬方寸用瀆再三勉爲將伯之呼代請窮  
民之命倘荷商界鉅子社會仁人節己恤貧解囊振廩或以友及友  
或以親及親百十不爲多些許不爲少總期廣爲勸募收衆擎易舉  
之功庶幾矜此孤莞普實惠均霑之益送塵捐冊請書

銜名並乞擲還俾登信錄通化縣知事潘德荃謹啟



南節婦傳

李鎮華

南節婦奉天通化人姓羅氏名照南榮海之妻羅福順之女南景林之母也福順好讀列女傳常爲講演曹世叔妻之故事聞而喜曰爲女子當如此矣故名天性貞孝幼習禮儀長嫻婦道年四歲時母病急涕泣求醫以救母鄉黨至今稱之及于歸南氏尤盡婦道事夫之誠教子之嚴是以晚近婦女界中一好模範也榮海幼年從戎追隨鎮台陳公勦平大東溝鉅匪宋三好等身經數十戰行軍積勞久而成疾至晚年疾愈劇而家道亦愈窘一病八年溘然長逝當其展轉床褥晝夜呻吟痰液便溺穢不可聞雖歷八年之久而節婦則扶持湯藥未嘗廢離然憂勞交集鬢髮皆白矣遺子景林年僅十齡旣無

伯叔終鮮兄弟零丁孤苦有非常人所能堪者當是時正庚子變亂之年俄羅斯之克薩克隊由東清路而南下佔據我城池蹂躪我鄉鎮東三省適當其衝致潰兵土匪越貨殺人茫茫大地幾無一寸乾淨土也節婦則蓬首垢面避難守節甘藜藿而操井臼兢兢然以守身而持家際此世亂年荒而教子景林讀書習禮不容一日間也如是者十年景林已二十歲矣節婦思城鎮繁華之區非少年修養之所乃遷居於大石棚村先人所遺之田廬而經營之仍教子景林耕讀爲業勤儉治家躬耕隴畝手胼足胝涉獵書傳口誦心唯如是者又十二年家道日增鄉譽日隆地方紳耆公舉景林爲保甲委員矣節婦常教景林曰爲民莫忘一正字爲官莫忘一忠字一生一世莫

忘勤儉二字不能如此非我兒也南君景林與余同事久屢道其詳且索予爲之傳予見夫南節婦三十年來之堅苦卓絕真心如鐵石節勵冰霜而景林爲人之正直處世之廉謹使奮志進取功業可立就竟杜門不出奉母隱居以報親恩一門節孝可以風矣

### 羅董事福堂傳

李鎮華

羅君諱福堂字錦山其先世居山東諸城南鄉農人子也幼失怙恃賴兄嫂之力教養以成人生有奇才性行俠義而膽畧過人事兄如父事嫂如母鄉里嘖嘖稱道巡警總辦王公佐清特題獎友于可風匾額以褒揚之君於同治年間隨兄福順渡渤海走遼瀋出興京旺清門披霜露斬荆棘以採參墾荒爲業福順之爲人言行誠樸見義

勇爲凡山東人之來此者無衣食則爲資助以濟之有疾病則爲醫藥以救之及光緒元年通化設治委員張公今頗始來佟佳江畔丈放荒地招徠墾佃建置城池訪知福順爲高士敦聘其督修縣之城壕衙署君即襄辦工程任勞任怨故事半而功倍成績卓然迄今石城崔嵬而君之紀念亦與之不朽矣旋因君秉性正直被委爲城關及懷教保鄉約至庚子變亂有僞忠義軍匪首劉永和綽號單子者自稱總統幫統劉中和等嘯聚黨羽數千人由延吉岡長趨而南當者披靡東邊各縣若海龍興京桓仁鳳凰城大孤山一帶縱橫數千里悉爲其征服地無敢起而撻其鋒者官吏且爲之供奔走而淫掠殺燒更視同兒戲現在東邊人士道及忠義軍之故事猶談虎變色

焉時通化縣令陳璋字東山親率通字五營馬步兵丁並全縣五十  
三保團練鄉勇非特不能統率防禦指揮戰陣以殺賊且携軍實庫  
欵席捲官錢局先棄城而潛逃致官兵鄉勇無所適從半多流爲匪  
類眞所謂借寇兵而資盜糧者也米公秀實名穉甘肅名進士當盜  
賊滿山十室九空之際蒞任斯邦雖愛民如子嫉惡如仇而劉賊永  
和尙據縣署統帶忠義軍飭令其巨頭悍匪令振東林成岱張桂林  
等西犯遼陽盛京將軍增祺請求俄將甘都魯馬大力羅夫等率重  
兵使陳璋鄉導而來東專事招撫劉永和竟率匪衆與之抵抗後其  
勢不支乃受俄人編制背纏俄徽國人名之曰花膀子隊而實仍匪  
也當是時君則公而忘私處險若夷周旋支應於官民匪之間務使

官不失其威儀匪不張其氣焰而人民已隱受其惠不鈔迨甲辰年日俄停戰約成秋霞峯明府辦理地方善後事宜復任君爲五十三保都練長仍兼懷教保鄉約專辦團練從事清鄉因資勞卓著蒙東三省總督趙公次珊獎給五品頂戴自治成立被選舉爲城廂董事會董事縣知事潘公茂蓀聘君監修小學堂救貧所積谷倉修治道路橋梁勦匪安民急公好義君之功德可謂偉矣君有猶子名壽椿者充任市立一校學董余見其辦事認真勤勞可嘉曾爲轉請教育廳長祁公獎給二等金質獎章今且充救貧所董事農會調查員等職公餘之暇嘗爲余述其先君昆仲等之事蹟故余樂爲之傳云

趙營長佐清傳

李鎮華

趙君德喜字佐清倜儻非常人也生平慷慨意態雄傑性行勇武而俠義好騎馬放槍馬之驕蹇奔騰傑驚不訓者一入君之跨下則一鞭在手無不任意馳驅而槍之射擊准當神速無比雖雀鼠之微君一打擊亦莫能倖免也幼從軍入吉林之邊防營長官愛其勇拔之爲什長駐紮於琿春延吉岡一帶以緝捕盜賊有功升哨官歲庚子秋八月俄羅斯侵襲我江東百六十餘屯之土地驅死我數十萬之同胞於黑河克薩克隊復蹂躪我東三省所謂邊防營者實無能爲役也當是時潰兵土匪激於義憤敵愾同仇約合三萬餘衆名曰忠義軍欲禦俄寇而復國土惜烏合之衆流品太雜無安內攘外之遠志惟子女玉帛之是好終無補於國家徒有害於地方而君率潰兵

千餘人獨能約束有方秋毫無犯若節制之師者然縣令秋公桐孚  
辦理地方善後整頓團練委君爲養字路十保團正靖盜安民厥功  
甚偉光緒壬寅東邊匪首有王洛道丁藍旗等嘯聚匪徒八百餘人  
竄擾於龍岡螻蛄河倒木溝大都嶺等處綁掠人票百餘名帶至馬  
鹿溝寶聚德院內君追至見彼衆我寡不可輕試遂揀精壯兵三十  
名設奇計四面暗伏自率親兵二名突入匪羣詐稱同類有機密事  
報告匪首衆相信不疑使之見君即當場開槍斃匪首於是伏兵四  
出槍聲齊發匪驚疑大兵至紛逃四竄自相殘害人票輜重盡遺君  
之威名自此大振嗣翼長馬瑞祿奉令蒞通督兵勦匪愛君英勇禮  
遇優隆令率本部隨征連戰皆捷東邊各縣彙報肅清盜匪案內專



保君以把總儘先補用復蒙軍督部堂增公獎給五品頂戴並委爲通化巡捕總巡募令平甫開辦警察局委君爲通化警察馬步總巡潘公茂蓀創辦保衛團委君爲辦事員時與警務長江君鑑齋潘依之如左右手論者謂通化警甲不怕賊匪勇於擊捕君之鼓舞之力爲尤多也民國甲寅乙卯丙辰各年匪首王登瀛鐵公鷄等率衆燒撫松分攻臨江八道江等處君率警甲堵擊於三岔子尾追至柳河之向陽鎮會同警務長江君鑑齋跋山涉水帶月披星追奔數百里折而至輯安之葦沙河地方一擊而殲滅焉本溪有積年之巨匪藍六者率衆匪數百名出平頂山竄擾寬甸攻破桓仁縣城脅從日衆由輯安境至通化小羅圈溝及四道江君督率警團一再防勦追奔

逐北至柳河之大牛溝一經痛擊而匪衆傷亡逃散殆盡匪首藍六負重傷僅以身免從此不敢再窺通化矣是役也團總張丙南及警士等陣亡多名縣知事潘公茂蓀專案爲傷亡警官什兵請恤蒙奉天督軍張公雨亭賞給獎金五千元所有出力官長咸蒙依例優獎君與士卒同甘苦每戰必身先之而賞罰尤明居恒自稱入伍以來禦俄寇勦賊匪身經大小數十戰部下莫不爲之效命云東三省清鄉督辦王公理堂除暴安民所至有聲攬轡東巡周諮博訪調君爲山林警備隊第二營營長且勗之曰吾與汝素昧生平所以破格用之者爲殺賊也善體斯意好自爲之噫微王公之用人唯賢君雖一身是膽勇略過人豈不終老山林湮沒無聞也哉厥後林警改編陸

軍東邊鎮守使湯公閣臣復委君爲步兵三十五團三營營長駐防於撫松安圖各城鎮治軍保民盛德豐功尤難縷述因積勞卒於差次層峯優恤軍民震悼頗有哀榮統計君之生平有二大軼事非常人所能爲者當其辦保衛團時輕車減從赴上蜩蛄河一帶從事清鄉突遇股匪包圍匪類素畏其威且恨其勇今知其形單勢絀欲得而甘心匪等大聲疾呼曰汝即趙大人乎今落吾輩手中縱汝身手健好將何所逃耶即使汝身首異處死無葬身之地矣君與匪類從容不迫侃侃而談其身世數十年來殺賊保民之事蹟匪類欽其勇感其義相顧錯愕咋謂之曰此大英雄也非特不加害且排隊鼓吹以送之爲陸軍營長時有營副劉振東者威福專擅激變連長邵本

良等謹變君聞之於雪月間單騎追隨苦口勸解寧犧牲一己之祿位必保全邵等之性命眞精誠所至金石爲開士兵等莫不感激涕零完璧歸趙後君以勦匪論功保邵本良升營長邵之威望勳業君實成就之茲二事者鄉黨傳爲佳話婦孺猶能稱道之君身材短小精悍方面黃腫英勇足以稱其志氣故爲傳其事略云爾

猶龍子曰東邊各縣僻處巖疆山嶺縱橫盜賊披猖三十年來吾民之受其害者更僕難數其詳往事何須論今則又盜賊滿山若八道江鎮之焚燒臨江縣城之圍困轉瞬已成陳述徒供吾人之憑弔而已時屆嚴冬朔風凜冽大雪紛飛滿腹牢騷無所消遣方與三五知己圍爐笑語把酒談心高談古今之變遷雄辨人事之得失正酒酣

耳熱興高采烈之際忽而撫松縣之警報傳來謂縣知事避匿商家  
得免於難警察所長被匪掠去吉凶莫卜而商民之生命財產不問  
可知其危險聞之此股賊匪勢極猖獗人既衆多槍亦快利非跳梁  
之小醜可比寇深矣可奈何安得起趙公於九泉爲之保障也哉然  
塞上豈知無范韓世果有如趙公之勇敢殺賊保衛吾民吾將爲文  
以記之馨香以祝之且願書萬本誦萬遍使後之人猶能髣髴其生  
平丙寅冬至後三日識於蟄庵之南軒

徐冠堂先生傳

李鎮華

徐公冠堂諱潤章山東海陽行村人也清季優附生家族繁衍昆季衆多公序行五兄弟中有在雙城堡經營商業有在海參崴爲僑工者均能勤儉致富厚公獨專心學問儒素自甘游泮後越海走關東初至通化設塾教讀以自給會中州名進士黃公芷靜知通化縣蒞任觀風公應生員試考列前茅於是文名藉甚一時從之游者益衆而公則性情誠篤誨人不倦凡經公口講指畫者爲文章悉有法度可觀庚子以後清廷厲行新法停科舉而興學校蓬萊慕平甫司馬創設通化官立兩等小學堂聞公名宿聘爲高等國文經學科教員歷經視學考查無不稱公教授得法而高等甲班學生畢業覆試

又均能及格故奉天提學使獎公以實力盡職文憑以優異之厥後  
遍遊遼瀋燕趙齊魯之間於桓仁於盤山於濱江於天津於濟南於  
蒲台於昌圖於瀋陽或任教員或充校長所至學子翕然文風丕振  
生平足跡半中國於時人少所許可好爲論列是非閱歷所得發爲  
文章其豪邁狂放之氣概時流露於字裏行間然考其行爲實一誠  
樸篤厚之學者聞吳子玉將軍蕭詩蓀大令馬績卿廳長闕子貞都  
統均與公爲故交若朱蓮溪鎮使劉化一諮議由都藩旅長胡名臣  
知事韓芝三科長皆公爲塾師時代之學生而公竟終老林泉淡泊  
明志決不奔走於形勢之途亦未嘗一日戚戚若不得志者之所爲  
有意牢騷無病呻吟者也晚年倦遊退隱於通化大都嶺之別墅常

曰通化爲余第二故鄉與邦人諸友相交之久感情之厚較之海內  
知己實無逾於此者每當春秋佳日常邀三五知交登臨邑之名勝  
玉皇山巔而吟咏曰維玉皇山聳天之杪林密雲深崖懸壁峭探奇  
西北旣多幽妙守望東南尤見險要振衣千仞白雲相繞昂首九霄  
紅塵不到微雨龍吟怒風虎嘯星高可摘月明能釣異景奇致不可  
勝道雖鑿巫閭或難與較因此傳播湮沒不少山不遇人曷勝感悼  
表而出之真相畢昭城東直上白雲巔豪性題詩欲問天一水佟江  
山兩面山山低首玉皇前崢嶸萬仞俯孤城一帶佟江脚底清不是  
玉皇香案吏客遊也得到蓬瀛萬山低首玉皇高五嶽歸來性又豪  
今我老僧登絕頂半天烟雨聽松濤公志趣之清高有如此者然預



兆懺言已伏於此矣戊辰秋七月公病重由哲嗣丕志君扶持來城寓於公之老友于錦亭家中藥石無靈羣醫束手公竟棄世而長逝矣親爲易篋之門生有宮憲斌張惟一田子香張子珩崔德裕范思孝李笑風諸人咸議飾終之典僉曰公之生前雅愛玉皇山之名勝應埋骨其地以慰其魂遂浮厝於山之東皋宮憲斌等復發起舉辦公之捐館百日大祭並邀各界名流贊襄以成其禮哲嗣丕志延聘邑紳徐煥章先生爲公禮祭成主屆時無貴賤少長奔臨而來觀禮者都數百人識與不識莫不爲之悼惜禮畢攝影志紀念而公之哀榮亦極一時之盛公一生無多子女只哲嗣丕志一人而已丕志畢業於濟南高級中學服務於教育界誠篤有父風擬擇吉爲公安葬

於海陽之祖塋乞余爲之傳并爲誌其銘時戊辰小雪後七日也

### 江鑑齋縣長傳

李鎮華

江君鑑齋諱存清奉天通化人也文武兼擅膽識俱優賦性慷慨而直爽作事明敏而隱健其先世君即墨至君先父丕增公始遷移於通化縣西之河口村充任鄉約置有田產因家焉君幼讀曾應童子試未售遂納資捐監生而候補千總清季詔令各州縣一體操辦團練君於光緒二十三年充任通化團練副長是年因勦捕竄地龍寨內蒙何子璋大令爲請獎六品軍功庚子以還地方多故因勦平大股僞中華義隊匪首蒙東三省總督趙公爾巽獎給五品頂戴宣統庚戌潘孝廉茂蓀知通化縣事整頓警甲知君精明幹練乃由區官

而提升警務長時與保衛團辦事員趙君德喜潘倚之如左右手甲寅乙卯丙辰各年濛江鉅匪鐵公鷄王登瀛等率隊燒撫松殺湯知事分攻臨江輯安聲東擊西銳不可當君從容不迫督帶百餘名警士暗伏於輯安之葦沙河一擊而殲滅焉尋本溪平頂山有積年鉅匪藍六者勢極猖獗蹂躪於寬甸竄擾於輯安攻破桓仁縣城君同辦事員趙君德喜尾追至柳河之大牛溝據以懸崖陡壁之山岡其勢若甚孤絕匪等見其無能爲役以全力來攻君諭士兵曰吾輩今日扎硬寨打死仗所謂置之死地而後生者也其各抖擻精神奮勇圖功以殺賊因而士氣大振轉危爲安痛擊一日夜而匪衆傷亡逃散殆盡匪首藍六僅以身免從此不敢再窺通化矣是役也奉天盛

武將軍張公雨亭賞給獎金五千元所有去力官長咸蒙依例優獎并呈奉大總統獎給六等文虎勳章以優異之嗣警務處長王公連坡考核各屬辦理警政勤勞卓著案內呈請省署轉請政府獎給八等嘉禾勳章二等一級警察獎章甲子歲袁公雨田來任斯邦以通化居東邊各縣之中心內政外交備極殷繁而警察之職責亦因以艱鉅遂臚列君之成績加具考語請准省長以薦任職升用嗣全省警務處長陳公奉璋編制聯防委君爲興桓通柳金五縣勦匪總指揮因大刀會匪變起倉猝防勦失利遂將本兼各職一併解除君擬從此隱居不仕作世上之閒人抱子弄孫叙天倫之樂事無如處長陳公函電交馳催令晉省實不忍湮沒其二十年來歷辦警政之勤

勞爲向省座極力保薦君乃得任爲金川縣設治委員蒞任以來精心籌畫政治之進行竭力維持地方之安寧卒使閭閻乂安庶政畢舉奈君因積勞成疾竟於己巳春三月五日病故金川差次享年五十有四歲有丈夫子五人長某理家務次及三子充警官四五兩子均幼小女一一人適李德源嗚呼倘天假之年則君之事功德業詎可量哉余與君二十年之交情故噩耗傳來爲文以誌其生平旣闡其潛德復盡我友誼憑弔英魂不禁揮淚午夜徬徨書此誌感己巳春分前十日夜半挑燈謹識

王岱峯局長傳

李鎮華

王君岱峯名蘭香通化六區三棵榆樹村人也幼入塾讀習經史工

舉子業曾考府案第一名未獲青一衿而科舉已停弱冠後乃矢志  
考入日本宏文學院速成師範科畢業歷充興京撫順通化各縣高  
等小學校教員或校長等職民國二年通化縣知事潘公茂蓀知君  
學識豐富委爲通化縣立高等小學校校長旋卽被選舉爲通化縣  
教育會長時清廷銳意變法欲普及學校君則贊助潘公襄辦學務  
頗爲得力嗣經潘公保委君爲通化教育公所所長對於全境教育  
籌劃施行從容不迫君固富於舊學而新知識亦有研究辦理各鄉  
學務毅力熱心屢蒙省縣視學嘉獎因孚衆望被選舉爲奉天省議  
會第二屆議員每當討論議案之際君超然物外無黨派無意見老  
成持重於社會利弊民生疾苦尤審慎周詳期於無遺建白之多同

仁咸推重之大府嘉其能遴爲調查吏治委員於各縣政治之應興應革亦復條陳改善不尠奉天省長王公岷源委君爲牛海稅捐局長一任數年清風兩袖迄今海邑士庶猶嘖嘖盛道君之公正廉明不置云後任興城稅捐局長瀋陽禁烟局長解職歸來囊橐蕭然仍不改其書生本色歲癸酉冬月君以宿疾復發醫藥無效竟溘然歸道山矣君有子五人長國光畢業於東三省測繪學堂充北京西城電話局長次國瑞畢業於日本高等工業學校土木工程科充北寧路員三子國強畢業於日本早稻田大學經濟科充河北銀行行員夫人韓莊嚴女士有賢名持家教子頗爲鄉里所矜式云





楊德宣會長傳

李鎮華

楊君錫三字德宣河南武安同會村人也性情豪爽言語快利每遇公益事務能於大庭廣衆之中高談雄辯使四座皆驚咸佩其識見獨到其先世業醫藥行歷有年所至君始發展而光大之年十二歲隨其父慶科公由河南越直隸出山海關而東至寬甸三千餘里徒步而行彼時中國北部鐵路未修火車不通所謂京漢路京奉路尙未建築也未幾盛京將軍崇實奏准調委張金城爲通化設治委員君後隨其父慶科公筆路藍縷而來東仍以行醫爲業開設永成藥局於東昌街資本微薄營業蕭條而通化設治伊始荒僻初開人烟稀少君以水土不服回籍讀書赴壬寅恩正併科未售而復出關理

商業競競然以勤儉自持持籌握箕早起遲眠事無鉅細必躬親之  
於是獲利倍蓰乃設分號十餘處於臨江長白興京海龍桓仁清原  
山城鎮八道江各城鎮而連號尙有多處焉君因熱心公益衆望允  
孚曾被舉爲通化商會副總理連任三次與會董戰寶山先生監修  
商會樓房雖炎天溽暑風雨無間其辦事之認真之耐勞不於茲可  
見乎在籍創辦小學校鄰里鄉黨多反對之而君則不惜舌敝唇焦  
以從事勸導使鄉人子弟得受相當之教育歲庚午北五省大旱爲  
災赤地千里壯者散四方老弱轉溝壑君目擊而心傷之不忍同胞  
流離失所倡設粥鍋活人無算其熱心公益不辭勞怨又如此者張  
公鳴歧爲長白太守聘君襄辦設始事宜規劃措施因應咸宜後張

公任河南省長時復聘君爲省署秘書君獨關心實業辭而不就來  
通化經營商業總理十餘號之生意悉心籌劃無不利市十倍去歲  
回籍理家務因戰事影響君在籍支應各方面軍民稱便竟於丁卯  
五月十一日辰刻痰絕而死噩耗傳來君之知友通化警甲所長江  
存清商務會長戰寶山儲蓄會長解秀岩水利局長劉鳳歧農務會  
長趙錫三德化當經理楊景三福增煤礦公司總理李曉峯諸公連  
合發起追悼會於佟佳江畔布奠傾觴遙祭致哀君有丈夫子五人  
長岫林次仲林均業商餘皆幼讀君之三弟德元索余爲傳泣不成  
聲余與楊氏昆仲均稱莫逆况德宣與余二十年來情同手足義重  
金蘭余又何敢以不文辭故爲述其崖略云爾

韓芝三先生傳

李鎮華

韓君諱英字芝三族名元秀奉天通化人也其先世居山東登州昭遠之南鄉清季同光間髮稔初平齊魯年荒饑饉薦臻老弱填溝壑壯者散四方災情之重災區之廣至今談及尤爲心悸君父維廣公携妻子避難越海走關東君猶在襁褓中初至瀋陽住未幾隨鄉親某同赴東邊外之朝陽鎮展轉至通化之哈密河因家焉君母因不服水土而病故時君年僅九齡遽失所恃幸君父健在尙能提携捧扶偕君流離到處販雜貨以餬其口且藉餘潤以供君之束修焉君雖貧無立錫之地而父子相倚未嘗廢學中經庚子壬寅之變亂若日俄之戰爭及忠義軍之兵匪不分彼時東三省之地方眞無寧歲

亦無淨土而君之學業并不因之而稍輟君性聰穎入塾讀即不類  
餘子積年而學業亦日進君父益兢兢以教子讀書上進爲要務君  
故無家輒寄食宿於塾中君父販貨歸來莫不先至塾一詢君之學  
業如何塾師及同學有稱君能念書者君父卽色然喜而奮勉有加  
且謝塾師之多費心也塾師念君父之誠懇對君之課業啓迪逾儕  
輩而君之程度亦蒸蒸日上嗣海陽徐冠堂先生設教於通化君從  
之研習經史工詩文書法出入顏柳間一應童子試於大凌河畔之  
錦州考院正預備投考而清廷下變法之詔於是數千年之科舉停  
矣旋考入北洋師範學校數理科肄業期考畢寒假歸通省視乃父  
而君父已先數月赴鄉間杳然不知其所止城鄉遍尋毫無音息此

正日俄戰後之第一年地方土匪蜂起君父以貨郎走各村鎮或於窮鄉僻壤之間遇殺人越貨之匪因君父身邊不無少許金錢以携帶之相彼匪類見財起意隨遭不測亦意中事君至此孤苦伶仃孑然一身終世遺憾百年莫贖雖痛哭流涕而無如之何矣時君塾師徐冠堂學友李曉峯諸公爲君籌善後介紹君拜認通化城隍廟住持道士林教諒爲師借其香火餘資爲君求學之費君始得於北洋師範卒所業歷任奉天省立模範小學第四中學籌邊蒙文各學校及鳳城岫岩海龍東豐遼源通化各師中校任職教員所至各校之學生無不欽佩敬禮有加至是歷年俸入稍有積蓄乃迎娶矯氏爲室矯氏爲君先父當君幼年時爲所定婚者也厥後君北上燕趙隨

奉軍出張家口佐戎幕奉直戰後回奉仍任教職通化學界請君爲縣立師中校長君未就適瀋陽祁靖宣先生爲東三省兵工廠會計科長君應召前往相助爲理矢慎矢勤上峯嘉其能保爲陸軍步兵少校君至此事業頗有成就乃積勞成疾竟於己巳臘月初一日病故於瀋陽厲次年僅四十有四歲也遺子三長克樹肄業初中次克權肄業高小三尙幼女一肄業於女師範猶待字未聘妻室矯氏年將不惑教子持家素有歷練困苦艱難已備嘗之矣君生前重交游慷慨豪俠有過人處然於公私兩字看得極眞亦分得極清以故奉公守法潔己愛人知交間莫不同聲道之噫人生到此天道寧論余與君總角交每當酒酣耳熱抵掌縱談時君約之曰吾兩人者誰先

不祿後死者即爲之負責作傳今不幸而言中余故爲傳云

...

...

...

...

...

...

...

...

...



徐煥章理事傳

李鎮華

徐君煥章諱炳南其先世務農有隱德清季由魯來奉至通化四區小都嶺因家焉君性行豪放重然諾尙義氣服務於教育界二十餘年歷任高等小學簡易師範各校職教員潘公茂蓀監督通化學務時特委君爲模範講演員專辦社會教育事宜每於學校課餘或禮拜假日即督率學生趨赴市街巡迴講演環而觀聽者千百人講至興會淋漓則鼓掌之聲洋溢於人羣間以故縣城婦孺未有不知徐老師者歲丁卯紅土崖刀匪倡亂來攻縣城彼時黑督吳興權將軍統帶大軍專征來東君膺農務會聘充支應局事務員應酬各方軍民稱便建國而後任縣立圖書館長兼充商會理事農會評議對於

地方公益莫不爭先恐後熱心維持鄉鄰有鬥者爲之排患難解紛  
爭一言而決定而君之特長則醫理湛深藥性明通凡患病之家勿  
論貧富識與不識求診問方有求必應濟世活人遠近咸稱道之甲  
戌秋日滿軍聯合大討伐實行特別工作君充縣公署宣撫小委員  
會宣撫員隨同軍隊陣頭講演宣傳王道之真諦發揚建國之精神  
雖極窮鄉僻壤必使家喻戶曉數月之間收效甚偉治安維持會特  
開大會以表彰君之功勞賞賜銀盾銀杯等獎品君任快大帽子街  
初小校長時正有清季葉變法維新之際君與同事李耀三先生勸  
導學生建築校舍從事教育甘盡義務蒙省視學蕭詩蓀大令爲轉  
請東三省總督徐公世昌題獎熱心興學匾額一方鄉里榮之君則

虛懷謙謙曰此校之成立賴地方父老之力維多余又何敢貪天之功以爲己力故迄今猶珍藏之而未張刻焉君因擔任地方事業甚多一時兼充協和會常務理事日語學院院長公益工廠廠長等職奔走各方面寒暑無間寢食不遑久而積勞時疫乘之遂致長眠不起當夫病榻呻吟日滿各界長官及諸友好來問病者門庭若市噫二豎爲災一瞑不視君逝世後老友商務會長戰寶山農務會長賈文卿道德會長曲允普及地方紳耆邵緯宸李曉峯趙錫三張書橋南芝山諸人公議僉曰君生前爲地方盡力身後蕭條應由公衆醵金爲之發喪直不啻社會葬矣大日本通化憲兵分遣隊全體官佐輓君聯語從前以往治安成績功勞十倍於今而後宣撫工作竟少

一人君之功勞於茲可見告別式時日滿各界人士來哀悼而致祭者無不同聲嘆息爲之淚涔涔矣君卒之年五十有七歲遺有子二長雲鵬肄業於中學次雲程肄業於高等女二長雲生次雲卿均卒業於女子師範講習科雲卿任教職有能名德配田夫人賢而有德今後家務賴以支持猶子雲翔任教育有聲頗能繼君之志不振家聲余與君同事久而交最契故誌其梗概而爲之傳云

邢長老子衡傳

李鎮華

邢君諱權字子衡基督教會之長老燕之滄洲人也幼讀書不屑久  
事筆硯間起而投筆從戎身列行伍累功至千總甲午戰後痛武備  
之腐敗憤國事之萎靡知欲喚起國民自覺心非從事於宗教講演  
其道莫由遂舍其舊而新是謀芻狗功名浮雲富貴君悉棄之如蔽  
屣焉乃專心致志於耶教國家將亡必有妖孽團匪之興有由來矣  
庚子教徒之厄運君謹以身免時君主持通化基督教會事未幾八  
國聯軍陷大沽攻天津趨北京清德宗隨慈禧太后西望長安蒙塵  
以去而扶清滅洋之義和團匪竟烟消霧滅於烏有矣辛丑約成兩  
宮回鑾懲辦禍首諸臣償兵費四百五十兆兩英德法俄美奧意日

各國駐兵北京毀北京至大沽炮台而德租膠州灣英拓九龍界址  
均期以九十九年歸還門戶洞開危險萬狀國事益不可爲矣君以  
憂患餘生痛定歸來憂國有心傷家無淚復從事於耶教不憚嚴寒  
溽暑日奔走於通衢曲巷之中凡非宗教者流或目君爲瘋癲或斥  
君爲荒謬而君則處之泰然口講指畫舌敝唇焦仍不改其常度殊  
不知君之思想世俗之人詎能窺其涖涯彼庸人孺子之笑罵固與  
君無毫髮傷也厥後君被選爲縣議會議員持論正大建白尤多洪  
憲帝興民意摧殘而地方自治團體勒令取消議會人員立即解散  
矣君以六十衰翁閉門謝客每遇公益猶能出而維持也終以氣息  
微弱積勞成疾藥石無靈於以不起卒之日鄉里聞之無論教徒與

否莫不爲之淚泫泫矣

異史氏曰邢君性情直爽熱誠宗教苦口講演慷慨悲歌至老猶不衰懈雖燕趙之士出乎其性而此老之品格迥異恒流崇拜之餘極欲爲之表彰云

通化縣師範講習所第一級畢業同學錄序

李鎮華

中華民國四年歲次乙卯七月宜興潘公茂蓀知通化縣事創設師範講習所聘予爲教員予學殖荒落教育無術不足爲人師而諸生不予鄙陋從事年餘濟濟一堂賞奇析疑教學相長至足樂也乃一剎那間寒暑兩易諸生將行畢業式謀刊同學錄索予爲之序予思夫族譜者所以推兄弟之愛齒錄者所以隆朋友之情其道一耳今

諸生既畢業以姓氏里居叙爲齒錄保諸篋笥則今日之敬業樂羣爲他年之聲應氣求計無便於此者以視夫科舉時代題名浮屠立碑國學稱同年而聯世好者不可同日語已然而標榜或起門戶之見黨同必來伐異之嫌漢唐宋明之黨禍職是故也抑嘗考之漢唐之黨禍在講政宋明之黨禍在講學民國以還黨禁大弛集會結社法律特許豈惟講學者無罪講政者亦無罪矣非第講政者無罪又從而提倡之然趨政者實繁有徒趨學者寥落猶昔也夫學黨之獲咎於前世也以其預政政黨之取譏於今世也以其不學預政者今之所不禁也而況於學然今之講學者誰耶諸生具師範之資師範爲教育之母教育爲立國之本諸生誠能合羣同志敬教勸學懷柔



梓恭敬之心獲教育英才之樂陶鑄國民發奮士氣爲社會開新機  
即爲國家培元氣也當今之世日雄於東德橫於西果何致之教育  
使然相彼列強協以謀我非以我無教育者乎諸生熱誠愛國專心  
力學法陽明知行一致之功本亭林興亡有責之義使青年子弟崇  
道德增知識益技能諸生之天職宜如是耳非然者或昧世界之趨  
勢乏國家之觀念備員偷安害教育而賊人才踵事增華騖虛名而  
無實際謬種流傳伊於胡底非特無以副邦人父老之希望且以成  
社會國家之罪人則斯錄愈不足重於當世矣爰師古人臨別贈言  
之誼時當座右之銘諸生勉乎哉予有厚望焉

其麻通化縣立中學校第二級畢業同學錄

共和新紀元之二年遼中莫公月嶠司教育劃定通化爲省立中學  
第四區蓋通化處四邑之上游控三邊之扼要興桓輯臨長撫安柳  
各縣來學者胥便利也時宜興潘公茂蓀知通化縣事公固以熱心  
興學聞至是益慘淡經營之而經費無自籌備維艱丙辰秋始創辦  
縣立中學招生一級於兩等校院子亦備員教管焉未幾而續考第  
二級諸君子來自四方權聚一室與予晰疑問難兩閱寒暑予辭諸  
君子以去而諸君子不予遐棄時相過從致足樂也予旣被選任爲  
勸學所長乃呈明潘公招第三級購儀器置標本以資教授且築樓  
房闢校舍焉惜工未竣而潘公去任維時畝捐減等學款支絀幾乎  
停辦幸建平楊公子壬繼任竭力維持始觀厥成曾幾何時而諸君

子舉行畢業式矣將來升入專門或大學校成國家之人才即服務  
地方亦社會之中堅轉移風化挽回國運胥於諸君子斯賴則茲一  
編同學錄不將成名人小史也歟二三子環子索序子憶事實之既  
往感離索於將來悲喜交集故不覺其言之冗且長也諸君子勉乎  
哉

...

新修通化西灞橋記

李鎮華

通化之城西距市街里許有西灞橋處山水之奧區爲往來之孔道  
西方則通興撫以達遼瀋西南則通寬桓以達安奉東方則通臨江  
撫松登長白山以探圖們江南渡佟江以至輯安北越老嶺以至柳  
河馳車驟馬躡屨擔簦者日雜沓焉警察所長江公鑑齋蒞任十有  
五年修理業經七次蓋水之出於西北諸谷者其源廣而流於東南  
入江者其勢下每當秋冬之際水落石出直一溝澗耳迨至春夏之  
間天油然而作雲沛然而下雨則西北山溝厓谷陡峻澗道逼仄水  
勢瀾漫湍流迅激水石相搏屢遭衝壞雖歷年建築省料省工而一  
旦泛濫必傾必圯於是江公計及久遠期圖永固以爲今日不治後

日之費必倍廼命一區保長楊君恩普鳩工疊石拆建重修而城廂  
士紳莫不聞風興起慨捐樂輸經始於仲夏落成於孟秋用一月工  
費兩千元既堅既固亦完亦好不動公款不斂民財益見江公鑑齋  
之用心周而爲計遠楊君恩普之監修盡職不辭勞瘁而楊紳璽海  
等之急公好義尤爲難能而可貴至若行旅稱便商賈謳歌不惟濟  
溱之輿跨渭之木惠止一人一世已也故余樂爲之記以勒諸石俾  
後之人欲知斯橋興廢之由觀此亦得其梗概矣中華民國十五年  
國慶前三日李鎮華記

...

...

...

...

...

...

...

...

...

...

耕隱錄序書後

李鎮華

異史氏曰潘公印德荃字茂蓀宜興望族政界巨擘以名孝廉來守通化蒞任十年清風兩袖輿情愛戴口碑久播於一時政府激揚勳章已晉夫三等豐功偉烈地方人民已泐諸貞珉徐世昌爲國務總理召公爲府院秘書公辭不就張鳳台爲河南省長召公爲政務廳長公又不就當是時地方挽留臥轍攀轅函電交馳歌公誦德而公亦惟志在百里甘心下邑故政績諸般均臻上理東邊道尹方大英巡查所屬吏治親爲公書字聯曰爲闔屬宰官冠有兩漢循吏風之句省署秘書袁金鎧考核各縣政績保公曰熱心興學勤政愛民爲轉呈大總統獎給三等嘉禾章三等文虎章以獎勸之而公則本經

學爲治術不知榮利爲何物與地方感情之厚如家人和樂之親雖  
歷十年有如一日是邦人士之眷眷於公而公亦鬱鬱於茲土縱然  
爲政以德其奈長生無術正奉令調省交代已清而積勞成疾膏盲  
莫治一病不起溘然長逝噫陰陰南國蔭甘棠藹藹西周棫樸章異  
日爲公編政績千秋循吏永流芳然公之道德文章政治風節假令  
入襄府院或任封疆展其經猷早已全國蒙庥通化僻縣牛刀小試  
本不足久辱潘公而一任竟至十年十年竟畢一生嗚呼潘公之不  
幸通化之大幸也日昨山居無事偶檢書篋得有潘公之耕隱錄序  
一藝讀罷覺其語重心長法良意美雖其個人一時之感言實乃國  
家百年之大計爰爲表而出之使世之人知此亂離時代風塵末吏



中不無賢有司也溯潘公自甲午登賢書即補崇明書院教授旋充上海申報主筆後任湖南明德學堂監督南游川粵北走燕趙視學於湘鄂放賑於蘇皖蒙得欽加同知銜花翎四品頂戴候補直隸州知州趙爾巽爲東三省總督時奏調留奉補用初任復州繼掛柳河正任康平補授通化但公此藝脫稿於癸丑而公攝篆於庚戌病故於辛酉人事有變遷往來成古今故爲誌其崖略以俟夫後之修通志者有所採擇云爾丁卯夏節書於蟄庵之南軒

朕聞古訓不謂其與信何特其功建情之厚願其去國之速  
 朕于年有知一日是邦人士之寄居於公而公亦思家於皇天之  
 為故以德為公其家無術正容論得在就已歸而積勞成疾者自  
 朕許卒朕亦雖為爾工朕與爾舊矣雖遠在兩地情懷自與  
 朕空西人車官變數封來致古有送於其其退湖恩翁夫美而發  
 五拜對平請對血封因念其德無忘矣獎其而公賜榮其與吏祿茲  
 朕朕甚爾要發東三省醫官潤空編留奉請限好善為德備得財而  
 朕所賜對如保德潤空出於國國朕得許贈四品顯榮刻辭自賜  
 主勳申送半奉發封照南國醫學堂醫官南池限等北家慈德賜  
 中不無賢齊同惠賜新公自甲子登賢書賜贈榮印書刻德對刻

安圖旅行紀要

李鎮華

安圖居奉天省之東陞爲東邊道屬之一縣納殷之舊部女真之故國也在長白山東北麓下及清太祖削平納殷東陞之地儼同甌脫代遠年湮遂成荒野幅員遼濶地僻人稀於光緒三十三年經東三省總督徐公世昌會同奉天巡撫唐公紹儀奏准設治安圖縣城於娘娘庫地方即女真故國都城之遺址也歲乙丑嘉平月奉天全省清鄉總局成立督辦齊公佐忱會辦陳公徽五委予調查東路清鄉奉令出發經過瀋陽撫順清源海龍柳河通化臨江撫松八縣之境界歷崇山峻嶺雪地冰天行一千五百有餘里閱二十一日之久始達安圖此可謂長途之旅行矣烏可不撮要記之以志紀念耶况安

圖南有長白山西有松花江大頂子雄峙於東古洞河環繞於北一形勝之區哉茲將旅行期間訪諸父老之所得拉雜記之以俟夫世之徵野史輯遺聞者有所採擇焉

一縣城 民國八年縣知事張維周攝篆斯邑始建城池以資防守城牆純用土坯內屢黃土砌成高八尺餘厚亦相等周圍共計八百丈約有五華里共城門七大小東各一大曰賓日小曰碧屏南門一曰迎薰門大小西門各一大曰慶成小曰娘娘庫大小北門各一大曰拱辰小曰望江城牆之內純用土成有馬道炮台以備梭巡而資護守焉

一長白山 在縣西南三百二十里即古之不咸山也帝舜時爲息

慎氏所居唐人名爲徙太山五代時名太白山土人名曰老白山  
遼志及金史名曰長白山因遼設長白部於山之陽故也山上土  
少沙多樹木不生自麓至巔三十六里周圍二百四十里礦產豐  
富森林叢密動植諸物充牣其中崇山峻嶺蜿蜒於亞細亞東北  
海隅爲遼東羣山之主山山之巔則有天池水勢平靜深不可測  
爲圖們鴨綠松花三江之源其山之大實爲遼東半島之第一名  
山

一松花江 即古之栗末水也一名連末水其大源有二南爲頭道  
松花江發源於長白山西南北諸麓北源爲二道松花江發源於  
長白山之天池由天池瀉出之水曰乘槎河北流下山二十里至

礦泉始名爲二道白河下流百餘里至城西小營子溝有娘娘庫河有小灣溝河有陡溝子河有富兒河有露水河諸水注入西流入吉屬之樺甸縣界至下流兩江口爲頭道松花江此松花江之正源也

一圖們江 卽城東南二百六十里爲與朝鮮之國界上游正源爲大浪河有紅舟河魏蹻子河大小七果河哈三哨紅溪河諸水彙流蜿蜒千餘里至朝鮮之慶興府入於東海

一露水河 在城西一百二十里爲安圖撫松分界之處源出平安嶺北流百餘里有頭岔河白河礮子河大黃泥河諸水注入焉

一古洞河 在城北百餘里源出吉屬牡丹嶺爲安圖與樺甸之界

一河有五道陽岔河旗桿河萬寶河夾皮沟河鴨子河諸水注焉

一五道陽岔河 在城北百七十里源出黑山嶺北麓北流至王家

蹕子入古洞河爲安圖與延吉之界河

一娘娘庫 在西門外相傳爲女眞國故址至今耕者往往拾得刀

環箭頭等物

一報馬城 在縣城西南七十里有古城一座約計周圍二百六十

丈建修之年無可稽考現已頽廢僅有城基瓦礫耳

一十字碑 在縣南分水嶺距城二百里爲與朝鮮分界之處十字

云華夏金湯固山河帶礪長按此碑立於康熙五十一年烏拉總

管穆克登查邊所立

一三王塚 在縣正東距城八里有三塚焉相傳金時三王之塚清光緒三十二年被人曾掘其二今猶有遺跡

一女真祭台 在天池東北釣鰲台上有石一堆相傳女真國王登

白山祭天池所築

一天池 俗名元池滿洲語布爾里湖因長白山爲第一名池故也面積二里餘四圍多松參天蔽日池水清淺終年不乾

一七星湖 周約十餘里底多海浮石深不可測四圍皆松中間特立平甸周圍約里許如龜形松生其上名曰松洲縣境東南一隅

湖山名勝以此爲最

一玉皇閣 在花摺子山後有一石洞俗名玉皇閣入視之宛如閣



狀既無棟宇又無磚瓦天然長成實非人造

一仙人橋 在梯子河下游有橋一座非木非石堅固異常長約五丈寬約三尺橋下石洞深淺莫測

一林業 有三萬四千餘方里之面積現實業廳指定爲省有林區不准人民採伐然保護不周時常發生火險或盜伐情事若爲經理計應設林業公司或林政局以董理之大好利源放棄殊爲可惜

一 漢書地理志云：漢興，高祖封諸侯，各踞一方，國有定都，

此後雖有遷都，然其地必在舊都之東，或南，或西，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

一 故漢之東，在漢之東，故漢之東，在漢之東，

東三省清鄉督辦兼東邊道尹王公理堂德政碑

李鎮華

王公印順存字理堂河南商城名孝廉也服官府廳州縣歷任道尹督辦黑龍江爲東北之屏藩俄蒙接壤公任清鄉督辦也則全省之匪患肅清路不拾遺社會無鷄犬之驚廣東爲西南之門戶商民殷富公膺警務處長也則百越之閭閻平靜野無伏莽人民慶安居之樂迨我公任東三省清鄉督辦以來馬首東瞻殺賊無算撫松處松花江之上游濛江負長白山之支幹積年鉅匪若小僂子若長江好多或數百人少亦數十人盤據於青江崗上竄擾於老嶺之間公至則扼要設防督隊進勦安一營部於三岔子安二營部於松樹鎮復設分防於蕭家蹠子球寶溝撓頭灣溝頭道花園六等房身回頭溝

等處調集軍警一鼓盪平此我撫松濛江兩縣人民無賢愚老幼所  
望如山斗恃若長城得安居以樂業而銘感於無既公尋亦兼任爲  
東邊道尹更復關心民膜誓掃賊氛每歲必出而巡閱於長白山南  
鴨綠江北查吏治之廢興問民間之疾苦至若立電話修道路以利  
交通查戶口併村屯以資守望整巡警編保甲以便游擊是又我公  
之德政不勝枚舉者也爰爲之頌曰長白山高鴨綠江長我公德政  
山高水長撫松濛江兩縣紳民人等公立

督撫張勳公爲東省之長官也公於吉林推出一切全皆之  
于公則亦守其室而前知公若親山艱官保顯赫烈烈於茲氏  
東三省省長張勳公爲東省之長官也公於吉林推出一切全皆之

通化縣知事潘公茂蓀德政碑

李鎮華

公印德荃字茂蓀江蘇宜興名孝廉服官奉省清慎勤素著循聲蒞任通城農工商咸欽德化自宣統二年春及民國八年冬十載豐功政平訟理諸般政績綱舉目張雖云久道化成良以實心任事廻溯下車伊始新政卽行裁鄉會而積弊清歲省民財十五萬撤行頭而陋規免剔除衙例七八千學校增多教育普及警團整頓社會安寧編預算於收支款項之挪移有限禁燒香於邪教風俗之迷信悉除修義倉旣備天災開礦產尤興地利實行自治庶政舉而民意伸杜絕苞苴操守嚴而法庭肅禁烟禁賭市井無游閒勸讀勸耕人民多生計而救貧所之設鰥寡孤獨廢疾者有養忠烈祠之建衝鋒侮禦

陣亡者有勸遇貧苦學生有造者必捐廉以助膏伙見勇敢警士可  
用者必破格以爲提升至於中日雜居主權自保華洋交涉公法爲  
憑是又我公不僅勤於內政而又長於外交者也在官之日政府酬  
庸嘉禾章文虎章胥晉三等離任之時人民感德資助費餽贖費數  
逾萬金迄今黍雨流膏彭澤河陽實堪媲美願後甘棠常蔭召父杜  
母永遠垂恩無如觀政有心攀轅無術口碑雖載道不過一時之聲  
心感最難名遂勒千秋之石

通化縣警團勦匪陣亡諸烈士碑

李鎮華

通化襟帶佟江背負老嶺處四邑之上海控三邊之扼要興桓輯臨  
長撫安柳各縣往來之孔道商賈輻輳民戶殷繁東邊一重鎮也溯  
自辛亥以來時局多故匪氛猖獗風鶴頻驚而甲寅乙卯丙辰之年  
若濛匪若藍匪若高匪多或千餘人少亦數百人破桓仁陷輯安燒  
撫松蹂躪於臨江柳河興京各鄉鎮攻城焚掠隣縣幾遍匪尙倡言  
得百撫松十桓仁不如掠通化一城悉以全力分道進攻當是時縣  
知事潘公德荃警務長江公存清辦事員趙公德喜明賞罰勤訓練  
與士卒同甘苦雖槍如雨而前者仆後者繼勇往直前奮不  
顧身一捷於向陽鎮再捷於大牛沟轉捷於三岔子及回頭溝卒致

巨匪授馘社會獲安而我陣亡之諸烈士或則客籍英豪久已隸夫  
行陣或則土著健兒胥皆來自田間身殞沙塲膏塗原野爲社會犧  
牲作人民保障肝腦雖塗地忠義實參天此所以我縣長楊公國棟  
警長江公存清捐廉倡率營墳墓立碑亭也嗚呼世變方殷諸烈士  
已矣前功未竟後死者之責佟江嗚咽兮憑弔英魂老嶺崢嶸兮磅  
礴正氣爰爲之銘曰馬革裹屍效命疆塲臨凶若吉羣仰遺芳生爲  
國民死爲國殤視死如歸國家之光豐碑紀烈士氣發揚同仇敵愾  
劍氣寒霜老嶺峯高佟佳江長千秋萬歲俎豆馨香



代通化各界士紳呈請褒揚公民邵芳齡文

李鎮華

呈爲通化縣旺文川公民邵芳齡盡心公益孝義可風墾予轉請褒揚以資觀感具請

鑒核事竊維盡心公益地方應請褒揚孝義純篤閭里咸資矜式今有旺文川公民邵芳齡生長農家幼讀詩書品端學粹服務桑梓毅力熱心勞怨不辭遐邇咸深欽敬擔當公益鄉里共資依賴言行足式堪稱模範事例相符宜邀盛典民等見聞旣確推舉尤公倘有虛僞冒濫等情民等甘領重咎爲此繕具冊結連同註冊費大洋六元呈請

鑒核轉請褒揚以資觀感實爲德便謹呈

通化縣公署

計付 事實一册

切結一紙

註冊費大洋六元

(註) 蒙大總統題獎急公好義四字匾額一方

外顯外谷界士轉呈請獎壽公列治共儲文

李顯華

爲節婦南羅氏節孝素著請褒獎文

李鎮華

呈爲通化縣石柵村節婦南羅氏節孝素著慈善可風懇予轉請褒獎以彰素節而資觀感事竊爲慈孝著於閭里固宜聞聲而傳貞節出於寒門尤爲難能可貴今有一區石柵村節婦南羅氏係邑紳羅福順之女把總南榮海之妻現充財政監察委員南景林之母也節孝天授慈善性成十七齡來歸夫子三十歲作未亡人事親則克諧以孝相夫則誠敬如賓持家嚴肅勤儉成風教子義方耕讀爲業生平好施與鄉黨戚友間有貧乏不能自給者尤多資助之於是樂善好施遠近咸稱道不置而尤爲難能可貴者則在堅心苦節教子持家三十年來有如一曰該節婦現年六十一歲守節達三十一年志

比松筠由青春而白首心真鐵石實玉潔而冰清言行足式堪稱閩

範之母儀年例相符宜沐褒揚才盛典

某某

等或關桑梓或係葭莩

既確見聞應先推舉倘有虛偽甘領重咎爲此繕具事實清冊連同

褒揚費國幣八元並遞加費十二元懇予轉請褒獎以彰素節而資

觀感實爲德便謹呈

通化縣縣長羅南榮

出外附呈事實清冊一本內褒揚費八元遞加費十二元

獎以導素節註蒙臧主席題獎閩壺懿範區額一方聞譽而動貞節

星雲

故監督潘茂蓀三週年祭文

李鎮華

維中華民國十二年夏曆冬月初六日通化縣勸學所所長李鎮華  
率領中學師範高等國民各校員生謹以香花紙酒致祭於故通化  
縣知事潘公之靈曰嗚呼我公庚戌來通振衰起靡通商惠工化民  
成俗發瞶振聵嗚呼我公兩袖清風勤政愛民盡瘁鞠躬熱心興學  
若蜀文翁五千學子遺愛無窮三週紀念十載豐功九泉有知鶴馭  
太空神其來饗嗚呼我公



通化縣全境學校聯合運動會一覽序

李鎮華

通化僻處山陬石城斗犬五十年前一藜莽未闢之區耳自都督今頗張公設治以來烟戶漸繁生聚遂多家塾黨庠雅頌絃歌而民始知書矣以故科舉時代之文風亦不弱於鄰縣既而國家變法科舉廢學校興慕平甫明府創設兩等學堂於縣城學校之規模始立未幾我監督茂蓀潘公蒞任斯土熱心興學校舍宏開設師範以培教材創初等以普及教育深虞文弱相沿久而不振爰於庚戌秋開第一次運動會辛亥癸丑已卯繼之以振起尙武之精神轉瞬十年進步千里高等添級國民之知識健全中學成立人才之教育蔚起學務爲東邊冠聲震遐邇茲屆己未鎮華不敏謬襄會務見夫一切規

章載在檔冊誠恐日久散佚無所稽考乃偕宮生潤章竭數日夜之力始編輯成帙廻溯以往諸公創辦之辛勤較諸今日爲何如也然今日會中之職員半多當年之學子某也爲國民教員某也爲高等教員某也爲中學教員而今而後其人才之成就詎可限量哉則此一覽規章異日於通化教育史中定放一大異彩發揮光大尙望後之來者是爲序甫聞涼陰霜雨善學堂就緒肄學勉之賦謝故立未賦書矣以茲擇舉初升之文風亦不謬也瀛海鴻而國寔變志擇舉



送楊君濯塵之任岫岩視學序

李鎮華

楊君濯塵蓋州名下士余之同學友也十年前共肄業於奉天兩級師範學校君攻史地專科余則留學本科各自潛修不相往來雖識諸面而未嘗一傾心焉乙卯中君視學通桓余始與之相好得窺君之所蘊君蓋富於學識而深之以經驗者其來通化鑒於教材之缺乏提創師範講習所恐學子之無由深造爲之倡立中學校今則師範生已卒業執教鞭於各鄉校其成績多有可觀者通化學務之完善素蒙上峯嘉許爲東邊各縣之冠得君之贊襄而名譽益彰桓仁自藍匪蹂躪而後人民已陷於水深火熱中焚溺之餘幾無學務之可言君至則整頓之不遺餘力乃未幾丙辰政變帝制議興縣長王

煥青憤袁氏之盜國竟宣言獨立沿江直下奔赴大連携勸學所長  
佟君玉川以去桓仁學務實無主之者君支撐其間而學務賴以維  
持於不敝事平定後東邊道尹方公梅生考核成績以君之幹練有  
爲辦事認真提升爲岫岩視學通桓兩縣人士聞之合電挽留君辭  
謝之謂吾實駑下不任是濫竽三年已覺汗顏再留恐貽人以戀棧  
之譏雖然君固榮膺調升通桓人士雖不忍相離詎忍相強哉余與  
君交久且知君誠以自處謙以處人勞則居先而功則居後君苟能  
以熱心毅力實踐躬行旣施之於通桓者而復施之於岫岩余知彼  
都人士亦將樂與之交而歡迎焉古人云人生得一知己可以無憾  
余與君足以當之於君之去也愴然感於心故序此以贈之戊午谷



煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

煥南領宣氏之節 煥南領宣氏之節 煥南領宣氏之節 煥南領宣氏之節

通化縣初級中學校第一級同學錄

子孟慶芳伯蓀謹序

昔袁簡齋先生最信因緣二字謂夫人生之周旋遇合莫不有莫之爲而爲莫之致而致者余嘗細繹其言而思人生之遭際與離合洵有如袁公所云也夫人之遭際至不一也或和如堦簾之吹或乖如參商之戾或誼等苔岑之契或情如魚水之逢要無不視因緣之交感爲之策應洞乎此則余與諸生今日之別固不能無慨於中也溯甲子仲秋膺聘來通幸蒙諸生推一日之長屈指迄今匆匆者已閱二載矣此二載中同堂以文字相切劘平日以道義互勗勉余之與諸生然諸生之於余也亦然故余唱而相和者諸生也余行而相從者諸生也余鬱鬱無聊而相慰藉者諸生也余鄙吝時萌而相啟助

者諸生也嗚呼諸生之待先生可謂至矣而我顧可無一言乎哉况  
兩載之前諸生不識我爲何許人猶我之不知諸生爲誰氏子也自  
甲子仲秋後諸生始知我我亦知諸生凡我之言行稍可矜式者既  
印諸生之腦而諸生之聲音笑貌藹然可親者亦印於吾之心兩兩  
相因遂有今日之果故兩載中師生相處一日不見如有失一字勿  
譬如負債焉嗚呼孰謂文字之雅不逾於骨肉之私乎慨自璧癰化  
邈泮水風遙師之見輕於天下也久矣學子之詬病於世俗也深矣  
致抗顏設帳者有模不模範不範之歎執經問難者有佻撻青衿才  
養不才之譏究其所以致此者主教者之過歟抑被教者之過歟智  
者觀於此當有能明辨之者今謂諸生之與余也既無濫竽之誚復

無世人之譏此余與諸生今日之別有不能不破涕爲笑而爲諸生  
酌一大觴者謹述此離合之端以慰諸生臨別惻惻之意尙望諸生  
奮自騰驤以副我他年未了因緣云爾

昔四官觀此古風然豈斯存空淵之北朝陳書何樂之議啟至醉樂  
矣望風烈未至變而爲國整臨卷三百識翁之德清出對時樂林三  
識不然夫猶之然亦薄書收文之流依合古出三百識之非可謂古  
辭其遊其意其若自嫌欲揭端之不入初觀盈飛只爲與各余願以  
淵淵余和其識其古余曰後世薄精盡其漢梁也初臨其文字之  
尋其本皆美焉其其平日視爲之補添益一卷四日初觀其清景

蛛隱廬詩集跋

孟慶芳

吾友李君笑雲哀集其平日所爲之詩都爲一卷顏曰蛛隱廬詩集  
既徵余序其端且告余曰近世新詩盛行斯集也所謂死文字之一  
種耳推其意一若自歉於詩體之不入時慮爲無足錄取者余竊以  
爲不然夫詩之無分新舊如文之無分今古也三百篇之作可謂古  
矣至屈原宋玉變而爲詞楚詞者三百篇後之新詩也漢初樂府三  
言四言雖沿古風然退傅有在鄒之作降將箸河梁之篇洎至栢梁  
唱和變爲七言是五言七言爲楚詞後之新詩矣魏晉六朝文矜駢  
體連篇累牘競一字之奇擅一字之巧影響及於詩體於是有齊梁  
之新體詩新體詩者五七言後之新詩也由隋及唐四聲八病之弊



愈演益彰唐時如有律詩之創作而以五七言爲古詩律詩爲新詩是七言律又爲駢體詩後之新詩矣時代推移詩體遞變一代有一代之潮流即詩體有一代之創作固不必沾沾於詩體之舊與新也况唐代之五七言絕句即晉宋以來企喻白紵子夜諸曲之遺音也至後一變而爲小令再變而爲樂府三變而爲慢引諸長調是詩餘詞餘又爲宋代之新詩矣宋之南也詞體之變化尤數至胡元興又變爲曲餘明清代作變爲彈詞鼓詞是彈詞鼓詞又爲明清之新詩矣如必以漢唐爲古則宋元爲今矣宋元爲古則明清爲今矣明清爲今以漢唐宋元爲古勢必將漢唐宋元各代之著作舉而拉雜摧燒之何爲漢唐以來歷代各賢詩集之作箸彪名於縹囊細帙中者

仍歷歷可考耶從知一代有一代新詩之創作舊詩未嘗因之而廢  
吾子又何必姝姝於新舊之爭也且君之集包舉衆長奄有諸體固  
不難升古作者之堂而分其一席矣吾甚願君不爲新詩所推移而  
益致力於古其去於古也不遠矣李君倘以爲然不難甦死文字而  
活之則千百年後當有新精神之真詩垂諸來樸李君聞之得無適  
然一笑乎

夫觀升之運子言蘇氏謂晉宋以來全無自宿于齊語曲之聲音也  
外之雖能明精楚齊一升之險非固不心語語其精對之善與博也  
豈非言事又豈無精對之深精矣夫對對之精對對變一外言一  
意而登遠則取齊事精之險道而以正子言言古初事精爲微精

贈鄧慕陳先生序

孟慶芳伯蓀

余自橐筆通城竊不自揆喜與賢士搢紳遊其平日瀟沆之雅苔岑之契固無率數十人然相關最深相知綦切每於酒闌燈爇之時輒假把臂歡以通其抑鬱纏綿之隱者洵無逾於鄧君慕陳君原籍襄平與余家僅衣帶隔方余髫齡時卽耳君名惟白日俄戰後流離爬梳遂致曩之欽仰慨慕者而一面緣慳矣洎甲子之秋余應通化中學教授時君在通劬勦警政課餘之暇始得邂逅相識談次各有相見恨晚之勢退而私自喜曰吾意中鄧君慕陳今果於佟水遇之矣謂非生平大快歟嗣後或五日而一晤或兼旬而一晤若至奇月不晤輒兩人若負債矣君性慷慨好施揮金如糞土周人之急惟恐不

及然牆宇自峻與人少可苟非可與之人與夫妄交佞倖之士則皆  
閉拒絕去不少顧以此一時賢士皆知君介介爲懷而君之恢豁大  
度固爲世俗所不知也其與孫也一見成忘形且具酒食邀飲於家  
款之上座現其妻孥執家庭相見禮座客以爲榮嗚呼慵疎如孫見  
絕於世人也久矣今竟蒙君眷顧而交合無所間然則世俗之謂君  
律於交游者有亦因人而致者歟君自客歲擺脫世網別營遯廬於  
縣城之西南每於雨雪之朝風月之夕則招余至其家暢談古今事  
以慰抑鬱無聊之思猶記客冬一夕雪花大如掌君煖宿釀共酌洎  
酒酣耳熱縱談時局君目光電閃吐氣如長虹迺憤然碎杯起曰馬  
不覲駕不足稱騏驎牛不奔車不足稱奇特今吾人以昂藏七尺之

身竟欲喔咿嚅唳奔走於權勢之下欲何爲哉欲何爲哉余日黃鐘  
毀棄瓦釜雷鳴滔滔者天下皆是君縱欲馳騁一世然雲愁月黯魑  
魅笑人究欲從何處搔首問天耶君聞之啞然笑默然歸坐乃洗盞  
更酌共讀古歌行以適志迨至月明星稀燈花欲暗余起而揖君曰  
客行矣客行矣然千百年後能知吾兩狂人在則君之和余爲不徒  
矣君乃迢然笑余歸而書此以贈之

贈金君履青詩稿序

孟伯蓀

余曩在瀋陽卽聞通化人士嘖稱金氏兄弟卽謂履青君及其季友石也洎甲子孟秋謬膺通化中學文政講席時同事宮君憲斌與履青友石善課餘之暇君曾謂蓀曰吾通有佟江鼓盪白山磅礴靈氣所鍾意必有瑰琦俊瑋之士生於其間奈予生也晚鄉之先達碩彥求能通一經明一藝可焜耀儒林者幾明鳳毛麟角後生之輩尤沒沒無聞惟芙蓉江上金氏兄弟洵吾黨之傑也子蓋訪之余聆其有二陸雙丁之譽於茲益信則憲斌與金氏兄弟聲氣之求苔岑之雅有由然也惟履青及友石兩君以修脯爲養親計各處設帳終歲勞勞雖欲辨難析疑而一面緣慳無如何也會客秋假日友石返里歸

省便道出通假宿校中余緣憲斌介紹得識友石一見如舊剪燭論文甚喜蓀之得交益友也今春履青先生亦膺第一小學校之聘復因憲斌得識履青談次有相見恨晚之勢後遂各出所作兩相悅遂訂知交從此往來酬和無間風雨情益深而誼益篤殆所謂一日不見如言失一詩不質如負債者每臨山遠矚曲水流觴曾推許曰非伯蓀不足以知履青而非履青尤不足以知伯蓀吾兩人狂誕無忌一至於此花朝辰君持詩一卷踉蹌來奮然請曰通埠之識伯蓀者皆曰伯蓀履青爲兄弟交而吾鄉之識余者亦皆曰履青得交於伯蓀而課餘詩稿曾無一言半辭以相勗此衆所感也子蓋爲我序之蓀聆其言不禁懔然變色曰惟魯如余又烏足以知履青之詩哉然

以相知之深相愛之切如履青又烏可無一言半辭以重得罪履青哉今夫世之自號詩人者不沾沾於模唐卽規規於仿宋迨其造詣非宋非唐卽自號爲一家亦不可得若吾子履青者固未嘗聳鳥佛之肩嘔長吉之肝追章琢句斤斤然以詩自鳴也惟於萬籟寂寂一燈晃晃之時輒抒其綿邈之思以爲林壑增光朋儕酬酢嗚呼非詩人而能爲詩人之詩較之範形軌貌字摹句仿以寄人籬下者不可同日而語矣且君自膺聘來通於課餘時日領煙霞泉石之趣求江山之助以激發其氣而其所與遊者亦皆一時名士如興京于猗操蘇承天通化宮憲斌南芝山以及瀋陽潘劍譚等君折節下之冀求薰陶其性情涵養其德行開拓其胸襟鼓蕩其才志宜其手抉天章



不作塵世語也昔歐陽子謂人生得一知己死而無憾若吾子年纔

弱冠而交遊如此彼世之以鳥瘦郊寒信君者君當莞爾而笑以因

有知己在也雖然謂孫與君爲文字交爲肝膽交者我之志也謂孫

顧爲諛言以重得罪於君者豈知余者哉茲當薰篋協諧之際故序

其顛末如此以爲他日臨別紀念質之諸通埠人士以爲然否

書以發其蘊乙丑清和月瀋水孟慶芳伯蓀序於通化中學校

讀經卮言

孟慶芳

韓昌黎曰士不通經果不足用劉舍人曰三極彝訓其書爲經經者恒久之至道不刊之鴻教也是以先王之修己治人經緯萬彙無一不根柢於羣經如孔子刪定贊修乃成至聖孟子論學論治必引詩書以爲左證苟無經訓聖賢且失其根據之地從知羣經之在天下如日月之經天江河之行地亘萬古而不磨放四海而皆準也故陳氏柱尊云大經者何六經也孔子之道具乎六經日月之明星辰之行江河之流華岳之高鬼神之神靈陰陽之精禽蟲之生草木之榮人倫之理國家之紀悉於羣經系之嗚呼經之有關於人之家國也不綦重歟惜自慧我謀我者倡毒經之說而吾國上下隨聲附和致廢

經之議成舉國若狂競以羣經爲無用甚有土苴孔孟弁髦程朱以六經覆瓿羣籍當薪者嗚呼不揣其本而齊其末其亦不思之甚矣夫堯舜禹湯文武周公孔子之所以體國經野輔世長民簫勺羣慝甄範衆生者亦奚恃乎夫亦曰經而已矣故亞聖生洪水猛獸之後世衰道微之時欲正人心以承先聖亦曰君子反經而已矣經正則庶民興庶民興斯無邪慝矣徒知經訓爲治天下之鴻寶其言可以壽著蔡其理可以格幽明固質諸鬼神而不疑百世以俟聖人而不惑者也是故溫柔敦厚詩之教也疏通知遠書之教也廣博易良樂之教也絜靜精微易之教也恭儉莊敬禮之教也屬辭比事春秋之教也故不知詩則失之愚不知書則失之誣不知樂則失之奢不知

易則失之賊不知禮則失之煩不知春秋則失之亂今其爲人也溫  
柔敦厚而不愚則深於詩者也疏通知遠而不誣則深於書者也廣  
博易良而不奢則深於樂者也絜靜精微而不賊則深於易者也恭  
倫莊敬而不煩則深於禮者也屬辭比事而不亂則深於春秋者也  
漢書儒林傳亦曰古之儒者博學乎六藝之文六藝者王教之典籍  
先聖所以明天道正人倫致至治之成法也漢藝文志六藝又曰六  
藝之文樂以和神仁之表也詩以正言義之用也禮以明體明者著  
見故無訓也書以廣聽知之術也春秋以斷事信之符也驗之往籍  
則經學與吾人之關係洵如布帛菽粟而不能須臾離者也善夫桐  
城姚叔節之訓門弟子曰五倫去則中國無羣六經去而中國無禮

樂無政刑無史無文字國不國矣又謂讀一句得一句之益讀一經  
得一經之益聖人復起不易斯言也太倉唐蔚芝氏釋經正民興之  
義云經者何聖道也亘古常新而有賴乎君子之反之者蓋處士橫  
議莠言龐雜以僞亂真以邪干正則聖道因之晦蒙有以反之而大  
經始正於天下也易曰反復其道傳曰撥亂世反之正世界之由剝  
而爲復撥亂而爲治者實賴聖道以爲之主君子則躬行以提倡之  
於是經正而學術純人心靜淑氣溢於寰區庶民皆興起而爲善矣  
嗚呼當此天地閉塞慨前人之不作風雨如晦痛來者伊誰屬吾人  
蒿目時艱洵有非讀經不足以救國也

伯蓀

章句小夫識謝餅管謹

將聞見所及錄而成篇名曰國故卮言世之知言君子倘矜其仰屋

之勤而俾免於覆車之媿則於世道人心亦不無小補云爾

...

...

...

...

...

...

...

...

...

故通化縣知事潘公茂蓀

諱

德荃先生行狀

孟慶芳

潘公茂蓀諱德荃江蘇宜興人也面色白皙豐頤大口聲清遠揚目秀而慈賦秉至誠孩提善承志爲大母蔣太夫人所鍾愛嘗指其父端謹公而言曰此吾家千里駒汝有子余有孫矣年甫六齡遭大母疾公冒寒跪深夜禱於天綦月疾間乃已日爲祖母誦經迨至九齡遭大母之變公哀毀如成人食必祭事必告示不敢忘其尊也遇忌則避熟食啜粥地襲草薦臥示不敢忘其哀也及侍嗣母沈太夫人暨待姊妹曲盡孝友戚郇奇之年未冠攻時藝帖括出語每驚長老文名藉藉適其父端謹公自皖北歸公執經趨庭端謹公怫然曰汝純盜虛名觀所學徒足獵取功名非聖賢修己治人之學也乃改命

從沈銘石先生讀沈公係南中名孝廉爲文章枕藉經史而力掃駁  
踳悠謬之論故凡南中之士子曾經沈公口誦指畫者爲文章皆有  
程式可觀公秉承嚴訓盡棄所學致力於經史及諸子百家每一藝  
成沈公輒擊節稱賞並以青勝於藍期之旋游邑庠清光緒甲午舉  
於鄉以教職歸部銓選嗣淮徐水災公因辦賑出力得保知縣屢辭  
不獲曰吾爲梓鄉請命耳敢邀懋賞乎是公之虛懷若谷有如此者  
外家舅氏任光祿公聞而賢之曰此眞宅相也是以之越之蜀悉令  
服務士大夫咸以本學術爲治術爭相勸勉奈公棲遲日久乃泣然  
曰爲貧而仕計誠得矣如親己老諸季伴讀無人何遂毅然歸省以  
教育英才爲己任當道耳其名聘爲衡永兩府中學監督兼南路視



學長一時負笈從其游者百數十計其學者相語稱先生不問可知爲潘公而士子之彬彬儒雅外人觀之不問可知爲公弟子也時中丞龐公尤器重之會湘省荐饑黎民轉徙哀鴻嗷嗷中丞遂邀公勸勦賑務公銜命奔走於蘇皖之間輸粟汎舟活人無算湘民迄今猶嘖嘖盛稱之俟前徐大總統秉鉞東省時奏調來奉公到省第二日與工程局總辦沈公一見如舊遂請於當局聘公勦辦局務其至誠之動人知遇有如此者俟因復州知縣出缺任公署理公下車伊始對於地方事務鏡燭犀剖凡僚屬及地方士紳進詣者循例投刺必問號房所在公親迎而揖之曰若輩惟識苞苴故一身兼作僕耳聞者咋舌公聽理詞訟輒至夜分每於公餘則招集僚屬諄諄誡之曰

凡人之處世蝟務良多然一誤再誤皆可贖也惟貪如白受采雖力滌之污故也東省今日民生凋敝由官邪也官邪之弊昧賄公行故也聞者頷之退而嘗語人曰我縣監督潘公眞生佛心腸也故公之在復州任也勸農課桑修文興教振窮戢暴獎廉去貪行之未及朞年民氣大甦而官場浮滑之習亦爲之一變是公之整躬率物期在必行有如此者迨期滿調省父老攀轅童叟流涕北歸之日四民祖帳由州城起迄瓦房店止計六十里焉迨輪軌已發相送者猶依戀不忍去云提省後擬請假南旋歸省層峯不允時署柳河縣事某公因案調省檄委公前往接篆行有日矣案已破獲公徧謁司道請收回成命僉以制軍錫公令出惟行難之翌晨赴轅投刺入司道具在

錫公盛氣迎之曰咄余以爲汝行矣復何啟爲曰某令以案被譴今破獲矣故陳明請公意旨錫公嗤之以鼻並目視司道曰某豈病狂耶抑懾於黨援敢犯白簡耶司道噤不敢答公廼趨前大言曰明公賞罰嚴明又適以不才前往瓜代言之不過得違令罪不言恐重爲盛德累否則聽鼓轅門者比比皆是朝捧檄夕任事矣如公以某令無可哀矜奉命未晚也錫公色霽曰強項哉此令不圖今日復得中牟令魯之裕矣遂命司道傳知某令好自爲之母貽賢者羞其持躬清正進不隱賢洵有加人一等者越數日錫公傳見命赴金州辦理交涉聞者色變並有代謀以病假告者公奉命即行不十日遄返乘夜入謁錫公曰復將請示意旨乎事如何公曰事畢矣曰抑何速耶

應曰憑公盛德屈以公理耳言畢而退錫公目逆而送之曰使乎使乎是公之折衝樽俎捷於口辨有如此者旋奉令署通化縣事五閱月准補康平縣事通化父老函電挽留層峯始循地方人民之請復任命爲通化縣知事公念人民景仰之誠而深憫通埠草萊初闢警學着着落後乃虛衷延訪殷殷垂問與地方紳耆邵緯宸王岱峯孫子振江鑑齋李曉峯趙少青等銳意籌劃地方利弊遂裁鄉會除衙例歲省民財億萬計春雷一聲民具爾瞻旋即着手地方預算私者化之美以補之猶恐財政裕而民方憊且難以持久也於是闢學田廣公產權子母備荒政歲入數萬而強民不益賦而地方用饒凡警學自治建築櫛比不與焉公之對於興學尤爲熱烈嘗謂父老曰人

才由陶冶而成陶冶之功首在學校故公之任內學校則國民林立而高小而女學而實業而師範而中學而留東文明灌輸公不遺餘力至視寒峻有造之進尤傾衿推轂提訓孳孳每於公餘親至中學宿室與諸生校閱課藝有不稱者公力爲刪正雖寒暑無間公喜爲詩詩成則令人吟聽至頓挫處手爲拍張或半字未安必嚴改乃已以故公之清詞麗句雖尊門名家殆無以過之公待遇警甲信賞必罰曾親之警察教練所躬自講演勦捕匪盜之法迨青紗幘起萑苻潛踪之時每先事籌甲籌餉議勦議防溯民國三四五年間若濛匪若藍匪若高匪多或千餘人少亦數百人突起猖獗蹂躪鄰邑撫松陷矣桓仁破矣柳河圍矣臨江焚矣通邑以彈丸之地實當其衝股

匪垂涎已久且倡言曰破百撫松十桓仁不如得一通化每至奇險  
環生之時聞者風聲鶴唳公獨從容坐鎮多方佈置行武侯空城之  
計懾股匪八百之兵迨一戰於向陽鎮再捷於大牛沟三戰於回頭  
溝士卒効命巨魁授馘社會又安額首相慶然每值匪氛告警軍書  
傍午之時公輒旬日不就寢或率城內警甲親擊柝更其小心謹慎  
克盡守土之責雖諸葛之屯田漢中不是過也惜乎公觀政十年心  
身俱瘁竟於民國九年十二月十六日辰時溘然歸道山與通化相  
終始焉遺命因堂上春秋已高秘不上聞並屬其高足弟子宮潤章  
曰吾諸兒碌碌他日紹吾之志事並蒐我遺稿付諸梓人者惟生一  
人耳宮君曾與余言公曾著通化縣志略二卷東山詩集六卷文集

四卷惜多散佚未窺全豹此公所遺憾於地下而章實不足以副吾師也言之若不勝其歎歎者至公死之日各機關下半旗學校停課一日輿櫬南歸各界均執弟子禮生榮死哀潘公有焉輿櫬旣歸人民思之如潮州人之思韓文公也然召父杜母名之而無可名因樹德政紀念碑於西郊之道周行人過其下多有徘徊不忍去者

伯蓀

來通三年每聞父老道及公之學問純正器識宏深則欣然慕之故三餘之暇稍事蒐討筆成實錄非敢阿好溢美亦以不忍公之苦心孤詣湮沒無聞云爾

所事况以... 不知得... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...

... 德... 功... 德... 功...



孫子振先生墓誌銘

孟慶芳伯孫

孫公子振宣勞於教育界中者廿有五載歲乙丑夏正二月十五日  
以疾卒於家各界臨喪追悼多行弟子禮聞者以爲榮旣葬之五閱  
月地方公款主任邵公緯宸暨教育公所所長李公曉峯縣第一區  
區長陳公銘三咸議飾終之典謂不可無文以銘而銘之莫如孫宜

孫以孫公之言行學術犖犖口碑於皇山佟水間者表裏如一大義  
所在緘嘿難安焉按公諱作新子振公之字也先世爲瀋陽人自公  
之父繩武公以生計累始遷於通生齒日繁隨從而家焉公資質澹  
冲篤於孝友少貧嗜學無力致書恒假書抄錄兀兀不倦惟讀書不  
沾沾於章局而留心當世之務屢躡塲屋遂決意梯榮年弱冠以課

徒謀養當公之教授義塾也無疾言無遽色惟言行身化而弟子均有彬彬儒雅之風焉光宣間朝廷飭令變法組織新政通化亦遵省令銳意興學公緣地方父老之請出長學務總董四年長高初兩等小學校者八年長女子小學校者十有三年權權地方捐務處主任者五載兼管巡防辦事員者三年公之黼黻地方事務也貞固足以幹事剛毅繼之有爲故刮羅利病洞見癥結而對於後進之士尤殷殷誘掖遇有求學困難學生輒解囊助勸毫無慳意是以通埠以彈丸之地僻在東陞而人材蔚興警學成績有法度可觀者其筆路縷之功不可謂非公之賜也至公之一生學貴實行語無泛設雖年逾古稀鬢髮皤皤猶竟日無惰容對人談學則丙夜不寐自非功深

於人之所不能知者烏能自強不息如此乎惜公輔世長民化行鄉國而蒼天不佑貧困以終其所謂天之報施善人抑有時而不盡然歟余昔聞喪即作詩哭之今蒙諸公之請乃狀之如左以發餘哀云公之歿也葬殯之資均由各界蠲釀歸葬於通化西嶺之陽因爲之銘曰於虜孫公爲社會而生桑梓蒙其福利兮致有德而莫名於虜孫公爲教育而死手澤幸其猶存兮誘掖及於學子生有涯兮死無垠敦篤如公兮眞古人闕茲宮兮億萬春



蟄菴文集序

孟慶芳

韜光養晦兼容并包處草野山林中而無韋布里閭憔悴可憐之色者今吾於李君曉峯見之矣君印鎮華別號猶龍子資質洞豁性行明達通化教育師模也幼遭甲午庚子之亂致家資中落卓然能自樹立不爲環境所迫授書後出語驚長老始見知於海陽徐冠堂先生弱冠後出入經史文林涉獵諸子爲文章汜濫停蓄無涯淡直欲推倒古作者之林而分其一席矣民國改建膺宜興潘茂蓀先生荐委任通化教育公所所長一任十年滿城桃李其任期中之設施井井籌備精詳已昭然於通化人士之耳目者固無庸僕之喋贅也丙寅夏公奉命調省曾出其蟄菴文集丐序對蓀曰此余平日道性情

之作也子盍爲我序之

孫

受而卒業乃奮然曰夫徒知曉峯之爲人

而不知曉峯之爲文者不足以語曉峯徒知曉峯之文而不知曉峯之爲人者尤不足以知曉峯蓋曉峯者藹然仁者之人也其蟄菴文集者乃和平淡薄之音也以藹然仁者之心蘊於中故持躬正處世誠與山林負販布衣野老相處固無適而不可即與王公貴人志滿意得者相處亦何適而不可也以和平淡薄之音發於外則溫柔敦厚疏通致遠較彼爭一字之奇鬥一字之巧幼眇爲蚊龍之舞悽愴作寡婦之泣者不尤加人一等哉君自膺通化縣志總纂之聘屏去時榮益勵志於古文而於闡揚先達獎寵後進諸作尤發皇而不懈於古然則李君之所謂蟄者固蟄於人事而未蟄於光芒偉俊之文

也善夫古人之言曰士君子得時則駕不得時則蓬纍而行嗚呼豹  
隱深山終有騰驤之日龍蟄大陸豈無飛舉之時與其行也爲文申  
以問之丙寅嘉平月序於通化中學校

卷之...

...

...

...

...

...

...

...

...

...



贈李笑雲先生序

孟慶芳

士君子得時則駕不得時則龍蛇卜子夏田子方其人乎不跼險艱  
載道以游磊落之懷固有在也逮漢董子尙其廁之賈生則傷悼不  
遇抑鬱以死非古人之意也若乃嚴陵魚釣於富春孟博乞埋於首  
陽墻宇自峻與世少可然遺世獨立慷慨絕俗已足以處明夷矯當  
世嗟乎數君子邈矣吾安往從之哉吾友李公孝雲志潔行方數君  
子之亞也公性耿介尙氣節喜爲詩古文每酒酣耳熱伏案揮毫則  
波瀾恣肆跌宕昭彰不履近人之藩現年六十有五喜闡揚先達獎  
寵後進每酌酒孤燈對友談學則丙夜不倦自非功深於人之所不  
見者烏能自強不息如此乎是以橫逆之來身外之榮均漠然若無

有其樹立有以使然也後世人又胡爲代公感感哉伯孫爲公之第

二爰擲筆而爲之序云

世之出公於知余尚餘前喜爲精古文詩酒猶耳然於案牘寧問  
世則乎燬吾于繼矣吾史於世之結吾文李公萃雲志嚮行式燬吾  
國神宗自刻與世少何然繼世繼立世繼繼谷以足以繼世夷繼當  
國時繼以承非古人之意出其代繼刻魚繼其富春孟樹子野其首  
神繼以繼繼繼之繼同其世也繼繼董子其其國之賈世則繼則不  
止吾于樹則繼繼不樹則繼繼也于夏田于代其人乎不繼則繼

續李漢雲求世宗

孟雲漢

亡友石蘊章先生傳

孟慶芳

烏虜吾觀於古今人才之故於其壽夭修短之數而不禁慨然也昔有人痛崔蘭生國琚曰謂造物忌才斯人何以生謂造物愛才斯人何以死蒼蒼者殆不可測耶我於石君蘊章亦同此恨君諱振南字蘊章遼陽人也君生而英資過人其父甚愛之嘗語人曰此吾家千里駒也君年七歲入小學年十五入高小年十八入奉附屬中學校畢業後升入瀋陽國立高等師範史地部對於各科倍極精攻而性質溫存尤爲同學所敬慕方先生在校肄業時與遼陽北曾紹賢相友善紹賢余之契友也爰因紹賢而識先生蚤夕聚首把臂談心沆瀣之樂有非言可喻者甫擬歲寒三友之盟而紹賢以事去奉先生

亦以畢業貢職社會遂與蓀渺不相聞矣睽隔五年音塵久寂今忽于通化中學邂逅相遇先生氣宇如昔惟面色少形憔悴談次間有乍見翻疑夢相悲各問年之勢蓋先生僕僕風塵馬首家鄉而憂身世之坎坷境遇之迥遭非一日矣而蓀亦以奉垣畢業各處奔波欲求一日之安而不可得則與先生同病之憐固差足以採擇寫照也故先生與余之音信相篤尤殷相知尤切每於經史稍有所得必舉以示蓀曰古之六藝典籍處處皆我儕注脚但我儕不能融洽貫通故杆格不入耳余驚聆先生之言知其學識經驗較曩在省垣聚會時洵有天淵之判矣故蓀雖潦倒東陲毫無晉益然一燈晃晃則與故友言心言性盱衡時局濶論古今實有喜不自勝者廼先生忽於

中秋前五日遽染癰病額頰突起兩目亦腫當由耿介忱先生妥爲醫治余憶采薪之憂三二日即可痊癒而余一日三省其疾益加劇先生亦自知病入膏肓曾謂蓀曰余倘不測則遠客異鄉寡鵠孤鸞煢弱女將誰憐之而孰憫之耶余聞其言深以爲不祥並多方溫慰乃竟於中秋日早溘然歸道山回憶前言悽愴在耳而先生竟掩埋地下嗚呼傷矣夫天之生斯人也殆將壽考以成其材使之淑世牖民並顯榮褒大其先業以垂奕後世廼先生道未任於天德不酬於人學未及於古著作未及等身而今死矣甚矣壽夭修短之難知也嗟乎天旣生之而復斲之則蘊章之懷恨於胸而未發者殆什百于余之所言矣蘊章其知也耶抑不知也耶先生死於中華民國

國十三年夏曆八月十五日寅時正寢掩葬於通化縣西嶺義塚之  
陽時年三十三歿無子有女二人夫人劉氏哭之哀欲以身殉經多  
人勸阻葬蘊章之骨於西嶺者爲通化趙少青先生先生重言諾有  
節概與蘊章交最淺而能爲之盡可謂有始有終不欺死友矣嗟嗟  
有友垂青如此並經紀君家可以無恨矣

帝制請願書

宮潤章

爲請順天安民亟正位號以鞏國基而圖進展瀝情仰祈

聖鑒事蓋聞天生蒸民無主乃亂爰樹之君所以對越天地撫輯黎元書所謂皇天眷命民有攸歸者也緬維清季

皇上臨御方期賡光不斲一初之懃宜而贊氣滿將要圖廷家日乎列聖不顯不承適值歐風東漸民氣囂張邪說橫行充塞仁義卒釀成辛亥之變我

皇上不忍一家一姓之私塗炭生靈毅然遜政公諸國人奠萬姓之又安免九州之浩劫  
謙光盛德中外同欽詎自共和改建以還紀綱掃地爭戰連年上而

政黨傾軋鬩攘於廟堂下而宵小逞機嘯聚乎山澤兵連禍結幾無  
寧歲天意人事有識者早爲悽愴而傷心而我滿洲天府更爲軍閥  
竊據飛揚跋扈不可一世視鄰國如仇讐虐斯民如草芥水深火熱  
呼籲無門迄已廿餘年矣所幸天心厭亂軍閥廓清三千萬人擁戴  
有主以我舊邦更承新命快何如之惟是

皇上暫領新國執政不過一時之權宜而發展滿洲要圖須定百年  
之大計溯自

景命方膺氣象迥異外而友邦協助內而百職同心瑞雪占豐幸庚

呼之咸息

祥風啟泰



推子惠而胥安九陸均稊萬方同樂邇者戎馬不嘶長鯨息浪際茲  
寅賓之肇序更荷

申命以自天用是衣冠之族椎結之倫沐

聖澤之如春因時思報慶

昌期之復旦戴

德彌深僉謂謳歌訟獄民意既歸神享年豐天命具現謹以全體民  
衆一致之推戴恭請

皇上俯徇輿情順天安民亟正位號以鞏國基而圖發展則

王道實現百度維新

天業永昌兆民有賴天下幸甚矣所有民等懇請順天安民亟正位

號下忱謹合詞籲請伏乞

聖鑒

竊維我朝開闢以來天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎  
建基開闢與計開天戈所至無不歸於正統而後德而復心而我朝之天下固正矣定鼎

辨于應而首受大劉自辨萬式同樂繼者茲誤不測其誠息斯烈茲

潘公祠碑記

宮潤章

公諱德荃字茂蓀江蘇宜興望族也家世以學行師表南中 公尤卓然絕異清光緒甲午舉於鄉藉藉一時旋游湘楚越蜀間所至名流折節然 公夙抱經世志固不屑以空言鳴也遜清末造東陲多事通化巖邑實爲安危所繫適 東海徐公秉鉞來遼知 公賢而奏調之授任斯土下車伊始首將鄉會稅政廓清繼復整頓稅收編制預算款必公開物無虛耗猶恐財政裕而民力憊也於是闢學田置公產權子母備荒政不益賦而地方之用饒旣富庶矣遂興教育以啟民智練警甲以保治安禁邪教以勵風化獎實業以振農商綱舉目張洪纖畢具流風善政筆所難罄且 公不惟優於治民更長

於用兵也溯自甲寅乙卯等年鉅匪若藍六王登瀛等皆號稱千百  
挾全力以撲縣城危急存亡早不保夕公手執輿圖面示機宜指  
揮策應一鼓而殲七鬯不驚而士民安堵迄今耆老猶稱道不置云  
詎觀政十年心身俱瘁竟卒於民國九年十二月十六日春秋五十  
有二夫以公之碩德偉略使天假之年展厥抱負則東山霖雨早  
被蒼生矣不然寇公再借畢其緒餘亦庶慰喁喁之望奈何一官匏  
繫盡瘁以終也則景慕之餘不能不爲公惜者矣公民等感戴難名  
謹援沒祭於社之義呈請建祠立傳以彰崇報旋於十七年五月九  
日轉奉

前奉天省長公署令准

內務部咨開查已故通化縣知事潘德荃政績卓著遺愛在民所請  
建立專祠既係出於人民景仰之忱應由部備案准其自行集貲建  
立春秋即由士紳自行致祭以順輿情至請宣付立傳之處亦准由  
部抄錄文冊函送國史館核辦相應咨復查照轉行可也等因轉行  
到縣比者閭閻乂安僉擬以玉山東巔爲建祠致祭之處輸金者麇  
至執事者鳧趨經始於仲秋訖功於九月不五旬而輪奐一新祠既  
成將二公之遺愛勒諸貞珉嗚呼隨武子之德如可作於九京郭有  
道之碑獨無慚於一字詔示奕葉鑒此哀榮

問道潘公始末記

前人

公諱德基字茂蓀世居江蘇宜興縣爲宋韓國公潘武惠後裔自五世祖迄公都名孝廉公尤勤學好士孜孜恒若不及宰通之四稔紀元之三年也章適負笈縣高小校公以視學閱卷頗蒙獎許王校長帶澧李師曉峰更交口游揚公遂召詢現讀何書時章年十有七方讀鑑至紹興朝公乃歷叩宗忠簡岳武穆韓蘄王梁夫人英雄兒女舊蹟軼聞談笑風生沁人肺腑及閱答語公欣然動容稱賞者再因示以讀史門徑敦勗之而後去嗣是間數日或閱月必一至校至則必叩所詣命題面試合則嘉之誤亦呵責之不少貸章因是加勉不敢稍懈溯自束髮受書即喜讀史然粗通史學則自公啓之也民國

九年冬公奉令調省假中學校移交瓜代益得親炙凡聯語詩文歌  
詞或間日一作或一日數作每當送閱之下公則循循然指其瑕瑜  
略無倦容且曰爲子閱課能使吾病若失喜若狂也公以會計馬某  
物故檔案鈎稽朞月而始告竣計此一年中趨侍左右請業請益無  
間風雨章之粗解文章又得力於此焉公嘗慨然謂章曰歐風美雨  
世變方殷幸斯文未喪敝帚自珍足爲娛心意耳異日樹幟文壇在  
綠江白嶺間增一健將以張吾軍而宏吾道其在子乎回首當日情  
形歷歷音容宛在曾幾何時而公已不可作矣噫嘻悲夫

爲邑民楊春德孝行純篤請褒揚文

宮潤章

呈爲邑民孝行純篤有合褒揚條例謹具事實清冊仰祈

鑒核轉呈事竊維士林觀德首重事親鄉里稱仁端推孝友是以舞

衣扇枕千秋傳爲美談臥鯉烹雞百世欽其至性旣獲矜式允宜旌

揚伏見邑民楊春德慈惠敦厚本諸性生孝思不匱垂老彌篤願言

懿德用闡幽微曩者自魯省膠縣原籍遷住斯邦十畝桑田兩椽茅

舍督率諸季力穡事親痛椿庭之早謝撫木主而興悲念萱室之就

衰扶板輿以奉養守出必告之良規凜不遠遊之至訓晨昏溫定曲

意承歡四十餘年有如一曰洵人言之無間亦天爵之克修其天性

肫摯寸草情深有如此者不惟此也且能曲體慈意宣力地方歷充



保衛團保董保甲區保長公安隊礮中隊長等職十餘年來殫精盡  
瘁每遇慈善事業莫不爭前經營如捐修西堤橋承辦救貧所商旅  
誦蕩平之惠窮黎免凍餒之憂有始有終不驕不伐而其解囊振廩  
飲助鄉鄰詰暴緝姦捍衛社會尤所謂成績昭然勤勞特着其立身  
行事以圖顯親又有如此者所以鄉曲交推遠近稱道風聲所樹童  
叟咸欽 某某 等夙矜品望素重典儀或切葭莩或同枌社凡該邑民  
之美德卓行既多耳熟能詳曷敢心藏弗寫爲此繕具事實清冊連  
同褒揚費國幣八元并遽加費若干元理合具文籲請伏乞

鑒核轉呈俾邀

盛典之褒崇永樹里閭之風教實爲德便謹呈

通化縣縣長馮

事實清冊 本 褒揚費若干元

通化縣縣長馮... 事實清冊 本 褒揚費若干元... 馮縣長... 事實清冊... 褒揚費若干元...

爲通化徐故縣長募捐啓

宮潤章

謹啓者蓋聞有無相通脫驂重孔門之義死生不易掛劍標季子之風車馬曰贈衣被曰襁載之公羊知生者睹知死者贈詳諸儀禮今昔所傳有由然矣况乎見危授命氣薄雲宵取義成仁志光日月如我

故前通化縣長徐公容久者不尤恫歎維公河朔名流遼東循吏夙殫心於典籍並致力於經猷百冗無憂臨事則疑難立決一介不苟持身更狷潔可風具遠大之襟期思建樹於家國紀年甲戌捧檄蒞通竹馬歡迎人歌廉叔之來暮割鷄試政群推言偃之賢能公則蒿目時艱痛心民瘼殫精竭慮早作夜思化洽鸞鸞比文翁之興學風

清豸獄信定國之無冤開倉賑鴻雁之嗷汲長孺恩深赤子捕盜效  
鷹鷂之逐李元忠威震綠樹總計半載之間善政不勝枚舉此固有  
口皆碑無腹不鼓祝禱馨香願此福星長耀者也詎意昊天不弔降  
此鞠誼國狗噬人天狼墜地痛於本年三月十五日因代表東邊各  
縣赴京參加慰靈祭典公畢返旆途次柳河縣駝腰嶺突遇紅軍交  
綏以衆寡不敵慷慨遇害嗚呼捐軀殉職願爲溫序之銜鬚斷脰效  
忠差同睢陽之嚼齒灑一腔之熱血碧化萋宏委七尺之殘骸紅殷  
嵇紹哀矣怨矣求仁得仁是雖天崩地坼不足喻其震驚而石爛海  
枯未能銷此長恨者也迨乎靈輿邇來籌維善後檢孤忠之行李圖  
史僅存掩蕭寺之桐棺深衣入殮劉祖榮一錢不受上有白髮之慈

親崔元伯四壁徒懸下遺黃口之稚子鸞驂一去天道寧論鵲哭三  
更人間何世逝者竟如斯也旁觀不亦痛乎某某等竊以死者已矣  
生奚以堪人之好善誰不如我爰發匪石之愚誠用效乞醯之故智  
惟望同官慕義聊仿古道之沐棺或則舊誼不忘同赴高情於執紼  
各捐廩俸用作賻儀出國家之祿以信國家之官傾囊原非過舉宏  
豪俠之情以急豪俠之難愛屋自可推仁嗚呼舍舟助麥范純佑豈  
遂少嗣音集腋成裘蘧伯玉耻獨爲君子不辭倡首敬告

同心如蒙

贊成請列

台篆

送金麗青赴赤峯從軍序

宮潤章

赤峯扼熱河中樞長城阻其南戈壁繚其北東望榆塞西限陰山自漢唐以來東北用兵之重地也環境千里風沙捲黑泉水流赤突巖纍纍白草荒荒交通梗阻風氣剽強當涼秋九月則牧馬嘶風塞鴻唳月征客聞之往往有去國懷鄉之思是赤峯者雖曰朔方之重地實亦天下之窮處也麗青騷人富於情感者也齊瑟自奏隋照相投官無金張之援遊無子孟之資馳騁戎馬蹈此窮荒棖觸景物能不惻惻於懷耶雖然環瑋常奮於處困而聰明多誤於所溺今麗青困且溺矣從此一鞭短褐遠適貊鄉越客千絲或能解脫以倚馬之高才居盧龍之要塞北庭投筆南越請纓則茫茫前途正未有艾也意

者赤峯之役蒼蒼者將有以玉成之歟麗青勉乎哉而吾不能無慨然者溯自甲寅之歲得識麗青迄計十有二年自庚申冬分道後時合時離會未有流連十日者風雲論志詩酒遣情樂事之濃惟今九十韶華耳乃西窗夜雨燭影方紅而南浦曉烟波光陡綠錢蒙叟有言山林朋友之樂造物不輕予人甚於榮名利祿也信然且昔之別麗青也距不過百里期不過由旬秋水伊人猶深洄溯今何如哉非所謂龍蛇戰野流血玄黃而遠作殊方之別者耶非所謂友朋星散抑鬱誰語而後會渺渺不可期者耶非所謂綠葉遮天楊花蔽日對景傷懷有難爲外人道者耶麗青嗜於詩者以游而工造詣會當益進行矣勉之凡塞上風烟軍中刁斗蜃樓山市鷗影盤空殊俗異言

詭情怪狀其能詩以記之歸而餉我乎對山巾

靈巖對石洞發仙人散地準靈清澤飲菴香以

許靈巖靈雨流會傾地不匪靈澤準表抱靈巖

靈巖巖靈巖靈巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖

靈巖巖巖巖巖巖巖巖巖巖巖巖巖巖巖巖巖巖



潘公祠祭文

宮潤章

維中華民國十八年十一月九日通化縣紳民代表邵芳齡偕同各界謹以少牢之奠致祭於

金質單鶴章三等嘉禾章四等文虎章清甲午科舉人故前通化縣監督潘公茂蓀之神而使祝讀文曰嗚呼潘公識卓氣雄鴻鷺吳下鵲起南中紀年庚戌作宰來通化頑厲懦發曠振聳寬猛相濟正直持躬龔黃遺愛口碑僉同况屬親炙更仰下風嗚呼潘公來值刼灰風色閉塞顛蒙未開下車布政亦曰艱哉首重興學民智爲恢繼復辦警以弭盜媒備荒積穀防貧禦災嚴禁邪教獎拔真材流風善教罄竹難該民具爾瞻一聲春雷嗚呼潘公乃文乃武壬寅癸

卯劇盜跋扈蜂擁捕城如狼如虎一夕數驚羽書旁午乃展壯謀乃  
勒部伍鼓而殲哉如摧朽腐民慶更生足蹈手舞儒將風流古之羊  
祜嗚呼 潘公清廉孰耦葛侯有桑陶門惟柳兩袖風輕半巾雪厚  
肝胆照人貪饕却走志節皎然古豈多有嗚呼 潘公仙逝八年音  
容遺徽宛在目前茲奉

大部褒揚 名賢事宣史館祠建山嶺公民致祭潔其豆籩敢以報  
德聊以致虔 公神來格足慰在天尚饗

果商民也半之食也祭也  
辦中華兵四十八年十一月六日  
蘇州府知府 官 謹 啟

潘公祠祭文

官 謹 啟

代各團體爲潘公茂蓀建修專祠募捐公啓

宮潤章

謹啓者表善揚烈爲史氏之大綱崇德報功屬部民之要務是故化  
行蜀郡傳紀文翁惠被汝陰祠建神父旣著圖形之典允隆配社之  
儀振古如茲於今爲烈豈有棠甘南國重賜惠於生前花滿河陽不  
食報於身後如我

通化故前監督潘公茂蓀者寧不恫歟維公籍隸岳亭家傍震澤夙  
殫心於典籍更致力於經猷日下無雙苟鳴鶴羣空冀北雲間獨步  
陸士龍名重江東具遠大之襟期思建樹於家國遜清末造邊地需  
材竹馬歡迎人歌來暮割鷄初試民具爾瞻裁衙例三千涑水先除  
四稗剔陋規八百山陰不受一錢且也刻已愛人蘇子瞻分來鶴料

惠貧好士閔仲叔長魏豬肝豈惟廉潔以持身抑實澹泊而明志至  
於禁烟禁賭市井無游閒勸農勸商人民裕生計數循良西漢龔遂  
未許並稱核幹練東京虞詡詎能專美計宰通甫及十稔舉善政不  
僅百端此又有口皆碑無腹不鼓而勿庸贅述者也紀年辛酉天不  
憖遺回首前塵忽焉七載靈輿泣送悽然三峽之猿華表歸來查矣  
千年之鶴人生到此天道寧論鄙等屬在部民久霑德化以爲萊公  
古柏十年之遺愛猶存孺子生芻一時之微忱難盡不有以崇祭祀  
將何以報本源用是廣招同志倡設專祠踞玉皇之高峯作佟江之  
砥柱庶幾召父杜母功德永昭風馬雲車精靈陟降惟念衆擎易舉  
獨力難成當民窮財盡之秋明知措資非易爲旌死勵生之舉終覺

袖手不安造端不必過宏但期稍具宮墻已堪慕德好善雖不如我

果使各分杯水亦可成渠敢竭鄙誠仰呼將伯知在

各界鉅子必能見義勇爲况屬

社會仁人度更當仁不讓倘荷

青囊慨解尙希

丹篆親書送塵捐冊請列

台銜並祈擲還俾登信錄

發起人通化縣農會商會警察所教育公所仝啓

致袁公潔珊請將潘公茂蓀事蹟轉付史館立傳函

宮潤章

潔公先生史席敬肅者

芳齡

等夙仰

山斗未聆

警欬願言不獲

我勞如何恭維

道履安餒

撰述宏富爲無量祝

卑縣故前知事

潘公茂蓀宰通十載兩袖清風政績昭然早爲我

公所洞悉亦夙

荷我

公所嘉譽前因疾勞病故旅櫬由地方飲資送歸原籍回首

前塵忽忽七載

芳齡

等以爲值茲

史館衡材褒揚著例萊公古栢

十年之遺愛猶存孺子生芻一時之微忱未盡不有以崇表彰將何以報本源仰承尊意由地方士民積資請建專祠並一面繕具服官事蹟轉呈當局准予宣付史館立傳庶足以旌以往而勵來茲除已造冊送縣核轉外謹將事蹟冊清繕一份連同呈文稿送請

警核



重修玉皇山公園記

通化城山得其半望之蔚然而深秀者尤推東北之玉皇山山祖長白千里而來層巒疊嶂拔地挿天勢嶙峋而氣葱鬱左襟佟江如練如帶虹繞東西誠所謂山川控引虎踞龍蟠天地之所設險王公之所慎固騷人之所遊目騁懷者也 曩者宜興潘公茂蓀來宰是邑嘗恐盛境之鬱湮創修公園點綴生色惜規畫甫成而公捐館迄今已十餘年矣嗣遼陽羅公申甫踵事而賡修之乃於後樂亭矚江亭之落成旋又瓜代以去今年春縣長蘇公斯民偕廖驤塵司令山代參事官徘徊茲山以寄勝概覽其風景慨然太息僉謂如此林壑聽其榛荒弗治不貽前賢羞重山靈笑耶遂遴派邑紳戰君寶山董其



事戰紳固熱心公務者至是益慘澹而經營之自仲春始工不三月而告厥成功矣 蓋於山之東麓闢爲園門入門循盤道及山腰仰則奇峰似簇雲醉石如染血義氣氤氳覆於殿宇者忠烈祠也祠西百步孤峯矗立曩擬流丹閣故址嗣易爲後樂亭者也由祠而東經釣月磯忽見津渡東來人多如鱗木筏南駛尾接猶龍廻環江流收入一覽者矚江亭也出亭曲折北下巍然踞於東嶺者潘公祠也祠折而西隨山陂陀若墜釜底有塘半畝碧波瑩然者養魚池也臨池北望廟貌巍巍煥然一新者孔孟關岳之殿暨黃帝老子之宮也園之亭祠約略如此若天鳴聲啣啣近鹿圈也香雲陣陣入花畦也春露濕衣過苗圃也秋陽退幕坐豆棚也凡在四圍之中者卽一花一



# 社會防貧說略序

邵芳齡

人類生存必需經濟經濟足則國家富強人民豐裕經濟不足則國家貧弱人民艱難世界各國所以皆謀經濟政策前知事潘公茂蒞有鑒於此爲民興利事在必行科條詳佈恐久或忘遂將歷辦之事實著爲成書名曰社會防貧說略詞旨詳細舉目張我通人民得此知識急宜奉行而收效果凡農業工業商業礦業森林牧畜儲蓄水利汽機諸大端分種別類詳細註明蓋由理學之精深立言俱有根底甚願各業皆效新法不可承襲舊製未適用者宜改良已進化者再求精從此逐漸擴充變腐敗爲新奇化笨拙爲快利取精多而用物宏將見數年以後業務之發展利益之倍蓰社會民生由此厚

國家財用由此足即前者已失之權利亦由此藉以挽回偉哉此  
書洵爲經濟上惟一之要素非獨一邑之南針即全國亦可作爲模  
範不朽之言真堪壽世書已付梓謹爲之序

夫既爲國體未讀此書則難其職其國蓋備其學多難立言則亦  
其國編修其書計而外效果凡興業工業商業農業森林外皆編著  
實著爲其書各曰採會測資如測師官籍四職舉日張廷敏人乳併  
官蓋以此爲其興味事亦必其採辦精而悉入其志發謀組織之事  
案資譯人其顯顯世界各國測以者焉蓋其地業而賦事番公其結  
人際主亦必需器器器器其明圖案言經人其豐益器器不其限圖

爲邑民南景林孝行純篤請援例轉請褒揚文 趙鴻恩

呈爲邑民南景林孝行純篤請援例轉請褒揚以勵風化事竊本城南關居民南景林幼年喪父賴母羅氏撫養成人現年三十九歲家道少裕皆景林與其母經營所致爲人事母最孝母年六旬有七景林朝夕事奉不離左右定省晨昏未嘗或間出必告返必面家事鉅細必稟白而後行景林素飲酒母恐其過量敗德嚴誡之景林謹遵母訓當即戒止雖宴會酬酢亦不飲民國十七年春刀匪寇城母因驚恐患病四十餘日景林小心服侍親嘗湯藥卒將母病治愈其孝行之純篤誠難道盡前於民國七八九十十一年間曾充教養工廠廠長兼清鄉辦事員並保甲委員均著有成績彼時保甲等務係

屬創辦景林則經營擘劃規模大定一方之治安實利賴之後因母老不肯出仕經營家務專心孝養誠一高明隱士也民等與景林係屬隣里知之甚詳不忍湮沒理合援照褒揚條例第一條第一款之規定臚舉事實繕造清冊呈請鈞府飭查底確出具證明書轉呈

省政府查核轉請給予褒揚以資鼓勵謹呈  
通化縣政府不編式  
註蒙省長題獎純孝可風匾額一方

南關鎮員南景林此年喪父繼母難養丸藥費丸人與年三十歲案  
呈為員南景林等行縣為請對同轉請獎慰以顯風化事據本城

員南景林等行縣為請對同轉請獎慰文  
附新恩

王孝子傳

別金相

王孝子名正其先齊人也民國初謀食來通遂家焉五歲失所恃繼母劉字子如已出及長以孝聞於鄉異母弟二人友于甚篤家徒四壁而孝子力田以奉菽水內外無間言父歿毀幾滅性水漿不入口者數日侍繼母無異於昔嘗語人曰余謹識之無竊間繼母如母之義矣敬繼母卽以敬父也人而不知敬父是禽獸也劉患腫疾不起者踰歲孝子晝勞畎畝暮侍湯藥滌濯糞穢略無懈容劉疾將革求神問卜呼天願代之聲日有所聞以此貧彌甚然劉有所需力所能辰莫不立致及劉卒哀毀如傷父時由是撫其幼弟朝夕啼哭鄰里爲之泣下盛冬衣不蔽體必先爲弟輩製衣履時出傭工則廉其直

使其弟就食焉如此者數歲弟稍長則使長者與已同伴而助幼者讀書云

張烈婦傳

別金相

烈婦侯氏邑之恭梓鄉人也母家業農婦年十七歸于張結縈之後孝於姑而順於夫恭儉溫和能得翁姑歡踰歲舉一女未彌月張以疾歿婦哀毀不欲生姑與母苦勸之加以防守慮其自殲也婦求死而不得乃給言曰翁姑在堂父母遠念兒何死爲夫旣葬操作如常時依姑側哺弄幼女佯爲笑語以慰姑心姑且喜防少弛會夫五七之祭躬詣墓次哭擗盡哀事畢攜女入室暮取箱篋取嫁時衣服之偃伏於榻而姑未察也晨起視之則僵死已久遠近聞者莫不嘆惋



論曰語有之慷慨赴死易從容就義難婦其從容就義者耶何笑語  
操作不改常度卒成其節烈若此者噫世衰道微殺身成仁者求諸  
貴閥世胄詩書之家尙不易睹而於山陬鄉曲農家婦女得之古稱  
禮失求諸野吾於張烈婦亦云



送友人從軍序

杜深傳

軍者國之衛也平內亂禦外侮賴之護人民保國家亦賴之故兵可百年不用不可一日無備也治世猶可安息自養而用兵之時必當奮勇直前鼓氣作義庶酬國民之望而符男兒之志也故雖矢盡彈窮單人獨騎必決勝負之數於危急之際始可轉危爲安化險爲夷所謂置之死地而後生者也夫君軍人也且素性勇敢操必死之心懷決勝之志何不勇其心而壯其志以盡忠國家而衛護人民耶則勛業彪炳可與日月爭光天地並久兆民之沐其遺澤感其鴻恩景仰之而崇拜之使人不能自己者豈得謂之死耶若是不難伸我國權揚我國幟席捲八荒囊括四海也然武侯雖神亦有祁山之挫漢

高雖勇亦有彭城之圍是知勝負軍之常事有一敗再敗之事生再  
接再厲之志卒之敗北者未之有也且旣懷護國利民之職自必忠  
國愛民故雖身臨戰區黎民草木不可動也全義全命成仁成名君  
其知之夫亞力山大之獅吼於西方軍人佐之也成吉思汗之龍騰  
東土亦軍人佐之也是知軍人之權利實屬無上軍人之聲價自當  
不凡也想夫班超輟業激昂投筆之思祖逖著鞭慷慨渡江之志同  
仇念切適愾心殷從軍之行由來尙矣揮黑鐵流赤血掃平內亂勦  
滅外患龍泉出匣及時試磨厲之鋒燕領封侯異日遂榮歸之願吾  
知君必不負此一行也君其勉乎哉

通化公園記

維光緒三十有一年夏五月建公園於通化城陰北山之陽誌樂也  
初邑令捧大吏檄權守是土甫經兵燹尋值歲饑悵地面之荒涼慨  
人心之強悍方冀拯其苦濟其貧感以情諭以理俾士農工賈惑泯  
狐疑官府閭閻謗弭蠱尾則上下聯爲一體庶教養可以兼施不圖  
邊陲多事交涉爲難虎視堪虞鳩安莫卜未得就適中之處乘旦夕  
之閒與都人士相親相近以邀以遊藉以甄拔其秀良周知其疾苦  
憾何如之幸而時機默轉鄰國相扶整彼戎行固我疆域警不聞夫  
風鶴殃胥免及池魚客主無猜無問此疆爾界士民共慶居然遠至  
邇安於是大日本諸將帥照會邑令擇其墾墾資以逍遙與吾邑人

講信修睦紀勝遊於此日留佳話於異時洵不減羊叔子輕裘緩帶  
之風焉邑令乃詢謀僉同共襄勝舉剪茅築土栽樹蒔花此公園所  
由建也彼夫子瞻喜雨永叔醉翁會稽之蘭幽情足暢黃岡之竹世  
慮亦消自來名宦達人清流賢士每假賞心之境以存過化之神固  
非徒快意當前適觀而已儻所謂後天下之樂而樂者非歟邑令自  
維風塵俗吏何堪妄擬前賢然雖不能之心向往之此園旣經創始  
外而友邦內而百姓相與共落其成繼此增修期諸久遠以見獨樂  
非樂與衆同樂乃爲眞樂暫樂非樂克永其樂尤爲至樂後之來者  
幸流連而致思焉庶幾誌邑令之過者其惟此園乎

光緒三十一年祀歲在旃蒙大荒落長嬴節越三日權知通化縣事山

# 陰秋桐孚識於新建之公園

陰秋桐先生之任清頭歌

...

...

...

...

...

...

...

...

購得錦囊記勝疑於此世假佳話於異時海峽中初不覺其有  
之真然已卷所編錄會同州襄陽郡某策士教樹蔭花此夢園所  
自定也載去筆蹟存爾永叔醉翁會稽之蘭幽情足歸畫圖之行世  
感亦消自來名遠遠人清流賢也每假我心之境以存悲化之詞因  
非徒快意情前適觀而感懽所謂後天下之樂而樂者非歐邑令白  
惟是嘉俗而稱瑞矣其詩賢於樂不能忘心同德之貴聞既喜而歸  
於西友歸而亦言其不與異辭其賦絕處增修過語及遺事見稿曉  
與繁竟觀同樂以為其樂暫樂非獨克永其樂也為吾樂後之來者  
幸汝思爾敏思為爾是也邑令走馬看此世此圖乎  
光劍煉師半齋效滌恨之公園落長風節越三日權知通化縣事山



詩歌志

送駐通日本領事市川先生之任汕頭歌

李鎮華

國徽兮飄飄政府重邦交公餘無所事香餌釣鯨鰲喜佟佳江畔農  
商各界羣情好結成小團體鎮江樓上聚朋僚感市川領事事事和  
平手段高兩年垂六月有爲有守有鈐韜問何處民多幸福霖雨汕  
頭到跂踵南望路迢遙使星長炳耀

東邊實業報民十新年號祝詞三章

李鎮華

調寄唐多令

恭賀過新年四民宜勉旃榱崩棟折危巢燕適者生存天演理一定  
例有誰憐華會雖公開優勝劣敗哉同胞猛醒莫相猜抖擻精神急

振作且努力莫心灰  
恭贊嚴調寄長相思

舊官僚舊官僚政客軍閥氣焰驕致令舉國囂新思潮新思潮波濤  
激湃氣凌霄五洲萬國超

嚴謹調寄法駕導引

嗟吾國嗟吾國日下似江河  
月莫蹉跎勸同胞勸同胞政體已共和同根相煎何太急噫嘻十載  
九操戈寇深可奈何東邊報東邊報記載實業多紙貴洛陽傳世界  
言論思想不偏頗知識藉研磨

北京益民報發刊祝詞

李鎮華

環顧中華災患相因維諸君子悲天憫人一聲霹靂志在益民民意  
貴伸民權勿淪民德不振民知日新民生不匱民國長春民間疾苦  
芻蕘可詢大報之公莫與比倫

奉天省立第一小學校十週紀念祝詩二首

前人

文明雅化進東隅薈萃菁華首善區能使盡人宏教育允爲通省好  
楷模識時俊傑初聯璧救世經猷此握珠十載江都紀成績董生學  
養果清腴

其二

前人

一樣春風化雨施問渠那得學通時了翁設教書千卷道子傳神筆  
一枝優秀允推諸校冠後先幸獲兩賢師從知冀北空羣馬不入龍

門不騁馳（魏吳兩君前後長此故云）

留別一首并序

丙寅孟夏通化教育所長三任期滿奉令調省留別同事員生一首  
藉留鴻泥以誌紀念詞之工拙不計也

桑梓濫竽十五春滿城桃李倍清新莫言慘澹經營苦又作東西南  
北人

送山代參事官頌詞并序

前人

山代參事官蒞通三載政績諸般忽奉轉勤之命彌增去後之思爰  
致頌詞以誌紀念云爾調寄菩薩蠻

日東先進文明早我公學識經驗好仗義助新邦德教孚農商甘棠

留政績臥轍情何已話別短長亭人民頌福星

撫松至安圖道中紀實

前人

老嶺蜿蜒西阻東參天松柏滿山中警兵圍護雄赳甚盜匪猖狂到處同扒力馳趨冰雪地比肩行旅馬牛風民生疾苦雖關切臚列條陳媿未工

調查東路清鄉冒雪早行

前人

前途夷險莫悲歡坦蕩坎坷一例看千里關山書劍壯五更風雪旅行難崎嶇世路奔波慣冷暖人情隨遇安慷慨激昂何事也由來此調不輕彈

和孟伯蓀感懷元韻

前人

瀋水孟夫子佟江感舊游胸中藏萬卷筆下足千秋七載無消息三  
年互唱籌何時重聚首把酒話南樓

歡迎花田大人詞調寄長相思

前人

花田翁花田翁日露戰爭蓋世雄滿洲義軍功祝我公祝我公寬輯  
樺濛興桓通棠蔭沐仁風

通化縣立第一小學校校歌

前人

老嶺磅礴佟江長山川鍾秀民氣何發揚清季變法立學堂吾校實  
首創編制分兩級按規章校訓儉樸身體力行慎勿忘且莫腐化亟  
圖改良日就月將進步永無疆智德體羣美育養成國民必需之知  
識技能道德發奮圖自強蔚爲國光

徐冠堂夫子遺像敬贊

前人

嗚呼我師松鶴之姿事親以孝扶幼能慈友于兄弟誦讀書詩博文約禮辯難晰疑誨人不倦樹德務滋岸然道貌卓爾威儀心香百拜謹贊一詞

聞老友白庫臣先生在河南病故詩以哭之

前人

嵩山南望路迢迢化鶴歸來夜度遼月落屋梁魂夢斷臨風爲賦楚辭招

興京覆選感懷

前人

東坡  
老城蘇水幾經過僅中副車可奈何誤我虛名三十載一場春夢似

東坡登通化城樓口占

袁樹棠

金坡老將今猶健四十年前築此城東土首稱形勝地萬山深鎖一

江橫

秋日感懷

前人

夕陽斜射景山西樹半心空鴉亂啼秋色荒涼王氣盡御溝紅葉不堪題

秋菊

前人

萬紫千紅久妒黃好花祇合待時香秋來老圃生佳色檢點霜姿上玉堂

秋雲

前人



秋色澄清佳景多長空雲影渡銀河遊人睡醒朦朧眼誤訝天孫曬  
錦羅

九秋夜雨口占

前人

節屆重陽雨滿城京華居處動離情客中衣薄無人管唯向天公祝  
早晴

冬日嚴寒

前人

凍天寒溜掛簷牙佛曉驚聞鵲語譁紅日當空烘不透玻璃鏡上結  
菱花

題四花頂子

徐潤章

在縣西南九十里壁立千仞高插雲霄出泉四注蝕石如花在山  
下作四面觀又如花插滿頭笑迓四方來客故名

葱葱鬱鬱勢崔嵬競秀一峯四面開何日芙蓉飛蓉此看山來是看  
花來

石峯萬仞鎮三邊四望如開一朵蓮我爲看山山下住山花不老不  
知年

咏棒槌砬子

前人

在縣東六十五里危崖壁立近望儼然石筍山頭瀑布蝕石成紋  
遠眺又若山蓐土人呼山蓐爲棒槌石崖爲砬子故名之曰棒

種砬子

不道人參應地靈崢嶸萬仞接天青應嫌低首山如睡一棒當頭醒未醒

北山紀遊

于濟源

一樣佳山水春秋景不同西風別有意不爲送歸鴻  
誰遣秋風至簷花白了頭林泉無恙在使我憶前游

無題

前人

中庸不可能大道無息止居夷又何妨在湮貴不紫  
不乘萬里風不担千般險日月亘今古雲翳難終掩  
草草過一生便是幸合福勿爲得者榮勿爲失者哭

重陽喜晴登高口占

前人

何待思親逢令節惟愁無以慰親思逢將令節思親切爲問平安數  
首詩

秋感和笑雲伯蓀兩詩豪

前人

風來落葉舞紛紛極目霜天渡雁羣秋色多從霜後見砧聲偏自夜  
中間空庭酌酒邀明月小院吟詩遏暮雲楚水秦山增別緒誰將玉  
帛息塵氛

贈詩史李笑雲

前人

不減輕刀快馬豪

公有五更上馬月沈西句

功名去就等鴻毛一身以外爲書史兩大

之間任酒陶瀆水故都王氣盡錢塘

公浙人

鄉國戰雲高寒酸獨樂義皇

樂芋舍孤燈讀楚騷

春日送別張子承

子承任通化硝磺局長甫經年餘忽奉令他調與各界相處素稱浹洽此行苦於跋涉餞別之餘不勝黯然因賦此慰之

海城徐鐵秋

剪燭西窗夜雨零  
驪歌聲裡柳條青  
征鞍甫就東都道  
遠送飛鴻入杳冥

秋日旅京遊清故宮感作

前人

西風颯颯夕陽斜  
故國河山感歎賒  
碧水咽流妃子淚  
黃門深掩帝王家  
金爐香杳悲秋雁  
玉樹歌殘泣暮鴉  
鐵馬銅駝安在也  
淒涼誰問後庭花

咏美人風箏

前人

莫道紅顏命薄同  
畢生蹤跡等飄蓬  
原無傲骨能凌物  
只是輕身慣

御風一幅畫圖春草碧半天游蕩夕陽紅村童似解儂心意笑遣儂  
遊浩渺中

晚霽

前人

一行晴雁帶雲飛半壁殘陽映四圍幾日秋高楓樹老連朝雨冷菊  
花肥清溪曲繞荒村落斜徑直通古寺扉風景撩人添別緒鱸蓴有  
夢未曾歸

書懷

前人

蓬廬僻處避囂塵桃李成蹊別有春花月結緣詩結伴琴書爲友德  
爲鄰默參宇宙窮通理敢定古今得失因尺蠖屈伸原有數此生尤  
己不尤人

病中口占

于濟源東川

病裡情懷萬念賒半床茶鼎喜無譁日長真覺如年久百轉腸迴影未斜

鳴江感懷

前人

荒却白山老却春勞勞誰是百年人清波一鑑前朝事成敗消浮跡已陳

春宵聽雨

前人

浙瀝簷前响徧他此夜多離人鄉國意當此更如何

秋興

八首之一

前人

落日蒼江晚孤城殘照斜鐘聲來古寺秋景在農家嘹唳天邊雁悽

涼塞上笳悠悠長夜裏對月誦南華

贈蛛隱廬主李笑雲先生

前人

世態炎涼甚東施復效顰以無恒作有忘故濫尋新偶識笑雲翁怡  
然獨可親含新兼蘊故瀟洒出風塵憶昔廁身向宦海亦嘗怒馬靖  
邊津初服還來絕息游放懷詩酒作逸民吁嗟呼我生不時遘陽辰  
何處尋得角共麟擾擾征塵裏今朝見古人



旅行樂

七古作於民國十四年冬檢篋得之錄出以實文苑

宮潤章

太白三歌行路難吾今獨詠旅行樂旅行之樂樂何如萬里騰驤無束縛吾生二十有八年年年羞插紅塵腳曾經瀋水訪名師更渡綠江入戎幕青山立馬幾看雲白嶺如龍爭奔壑（白嶺幾回匹馬登青山孤負三生約）西遊諸侯掉津門半載京華歎飄泊雖不得肉貴適志如過屠門而大嚼蹈海歸來天地秋髻齡百輩相攻錯息影家居甫兩年每話京國思綿綿舊地重遊機正遇腰中河湏十萬纏朝發渾水頭暮宿津海邊不聞謳歌昇平慶但聞漁陽鼙鼓聲填填龍蛇戰野玄黃血無端神陸遍烽烟楚天風雨行不得拔劍四顧心茫然我心匪席亦匪石不慣居家慣作客昔我往矣楊柳依依鵝毛

黃今我來思雨雪霏霏烏首白離家曾見月重圓五千里外留鴻跡  
馬蹄踏破萬山青帆力擘開千頃碧飽受風波意陶然到門翻覺情  
不憚玉山雲黯佟水寒點點生愁食梗噙生不願佩腰間綬何羨纍  
纍印繫肘跨八駿載二酉忘形文同心友安得伴我天涯走東泛滄  
溟釣鯨鯢西上崑崙摩星斗過湘爲賦弔屈原雲夢洞庭吞八九北  
窮大漠借明駝登塞問天長驤首載笑載言且銜杯一任白雲變蒼  
狗嗚呼何時長遊遠睇償此非非想使我胸中塊壘消盡慨以慷登

東嶽詩集二十卷八平平平蓋軒餘飄飄曾登嶽水滄谷嶺更斯料

太白三湘詩飄飄昔今歸藉流汗樂流汗之樂樂可成萬里飄飄燕

誦六朝詩

七言排律

宮潤章

曩誦漁洋山人戲仿元遺山論詩有六代淫哇總廢聲句竊疑言之太過今取古唐詩合解中六代佳什誦而習之始恍然於前人之批評固未妄下一字也不揣謏陋學步後塵非敢辱教於大雅也聊誌心得以備異日之印證云爾

樂府歌行說六朝挑燈展卷度秋宵參軍有句皆飄逸康樂無篇不刻雕白紵三章傷艷麗烏棲一曲失纖佻吟來桃葉情偏遠賦到楊華語更妖阮籍興懷蟲唧唧太冲詠史雁嘹嘹清新庾信眞瀟洒靈秀宣城避叫囂彩筆江郎工寄慨詞壇梁武擅輕描若非五柳先生在盡是頽風上下潮

亦盡誦木蘭辭

前人

揚鞭躍馬掃胡塵巾幗英雄大有人代父從軍十餘載不知尙是女

兒身

誦陸機猛虎行

前人

酌酒高吟猛虎行士衡眼界亦分明如何拋却華亭鶴誤盡河橋廿

萬兵

呈徐冠堂夫子

七律

前人

寒窗默坐太無聊忽憶徐公興轉饒天上星回當臘尾雲間犬吠到  
山腰執經翻恨十年晚問道奚辭百里遙今日程門重立雪頓教心

地樂陶陶

宮闈章

看雲把酒公思我踏雪披裘我訪公臘鼓頻催更歲月瑤琴一奏又  
春風興來讀史千篇盡醉後談經萬慮空十日匆匆歸去也寒燈兩  
地一般紅

閒來無事卜燈花醉擲酒杯渴煮茶羞說功名鷄有助悶聽紛鬪鼠  
無牙窮經豈爲登高第下筆終思仿大家惟有先生同此意春風疑  
不到天涯

觀佟江湖

七言絕

萬里窗風雨澹澹一竿秋景空

瀋陽孟慶芳伯蓀

白山佟水鬱蒼蒼萬縷炊烟襯夕陽獨坐磯頭問龍伯朝朝夕汐爲  
誰忙

登通化城樓遠眺

前人

獨上高樓寄遠思  
萬家烟火晚炊時  
西山爽氣清如許  
除却詩人那得知

春日漫興

前人

萬里江山皆入畫  
半窗風雨欲催詩  
一年好景從頭數  
最是桃紅柳綠時

春日枕上口占

前人

無端春色到江城  
萬景清新雨乍晴  
小巷僻居人跡少  
朦朧遙聽賣花聲

歲暮思親

前人

天涯歲暮雪漫漫  
獨對窮廬冷作團  
遙憶高堂白髮母  
深宵應念阿

兒寒

寄家書

前人

驅車北上白雲深  
遊子遙銜寸草心  
滿地春暉恩未報  
家書寫罷淚沾襟

晚訪李笑雲留贈

前人

半生飄泊客中身  
詩酒相交有夙因  
猶記玉皇山下月  
夜深曾照兩詩人

秋日由興京起赴通化

前人

曉起辭茅店鷄聲聒耳鳴  
雲隨秋雁遠月送旅人行  
林壑深無際莊郵辦不清  
烹微初見日頻自問前程

晚遊北山卽景

前人

城郭千家夕照暉  
河山依舊景全非  
舟橫野渡潮初落  
風過疎林葉盡飛  
幾日嚴霜楓樹老  
連朝冷雨菊花肥  
一年好景無多日  
遍賞秋光願莫違

薩爾濟懷古

前人

古道森森驛樹栽  
豐碑屹立傍高臺  
黃沙已沒屍千塚  
白草空餘土一堆  
七事告天豪氣壯  
三軍震地鼓聲催  
昇平歲久渾無事  
故壘秋風鎖綠苔

春日書懷

前人

春風惠我到蓬廬  
到眼韶光不似初  
醉裏漫揮三寸管  
愁中悔讀十



年書身因羈勒交遊少事到參差故舊疎過得一時少一日敢思日  
後更何如

由奉赴通旅次感懷

前人

雞聲喔喔曙光闌旅寓淒涼難作歡誤我祇因書錯讀求人方識缺  
空彈傭書自笑馮驩老作客誰憐范叔寒遙向天涯幾回首蒼穹漠  
漠路漫漫

贈中學第四級畢業諸學子

前人

諸君濟濟正英年奮志雲程可補天學理未深須再造命途雖舛莫  
遲延修身克己思前訓格物致知效昔賢別後贈言當自勉臨風休  
忘寄詩箋

忘寄重九與友登高

前人

身凌絕頂小塵埃  
滿地黃花見賦才  
王燦登樓增感慨  
參軍落帽任徘徊  
雄心欲逐雲千里  
乘興欣吞酒一杯  
老氣橫秋天色晚  
吟懷遙

寄半山隈

前人

對酒春寒偶感

前人

二月山城猶見霜  
陰晴冷暖竟無常  
客中自歎衣裳薄  
旅寓時嫌更漏長  
半榻詩懷何悶悶  
一年花事尙茫茫  
殷勤頻問呢喃燕  
何日尋芳故鄉

前人

送更元宵感懷

前人

一年今夕是元宵  
披讀家書轉寂寥  
幸有妻孥常慰藉  
苦無車馬過

相邀雲橫山嶺冰猶結雪壓江流凍未消樂叙天倫昆季在圍爐笑  
語飲醇醪

感懷

前人

落拓誰憐范叔寒年年空自漚心肝靜中觀世常思隱醉裏談兵不  
怕官古調只爲自己作新詩權當美人看吟成幾句三更後萬籟無  
聲夜欲闌

東劉振中先生

前人

幸結因緣翰墨中迢迢千里兩情濃聯吟舊雨兼新雨格調唐風復  
宋風愧我無才琴在御羨君脫穎劍凌空氣吞雲夢生花筆飛向遼  
天作彩虹

天台山居感懷

前人

半日山行半水行  
秋來處處助詩情  
夢因遠別思親久  
意到殷勤愛國誠  
閒向孤松尋太白  
漫同野鶴訪淵明  
天公何事偏多事  
故假西風鳴不平

前人

秋日同所長高君洗凡視學鮑君潔泉及同寅張君太璞張君  
前首  
偉民郭君子揚于君蔭棠等共七人遊於江干書此以爲紀

念

隨分清遊屬吾曹  
晚來秋景集江皋  
雲收曠野蟲聲急  
風入疏林雁陣高  
草草生涯人事簡  
恩恩時序客懷勞  
何時得築清涼室  
日與朋

儕話六韜

山行

遼陽王育普

高峯歷亂無人徑老樹杈枒碍客行偶至深山最深處野花多半不

知名

幽居

前人

慮少思方少言稀過自稀漏移知晝永簾靜覺風微讀易明休咎學  
詩辨是非問君何所有道義以為歸景景空下坐謝人問且淵

且齊如對

姜誦章

感得

其間自有清香氣不避寒門大知吾雲且職職人衣也當帶刺經

雪月

于振瀛

殘燈暗淡夜深涼  
寂寂柴門犬吠狂  
雪月輝輝人迹渺  
笛聲吹到韻悠揚

月夜感懷

姜福章

追思往事意悽然  
逝水光陰去等閒  
最是長宵空兀坐  
惱人明月照

窗前

漢高祖歌風

前人

六龍驅轂莫徘徊  
暫罷長鯨返沛台  
狡兔盡烹念功狗  
大風一闋見

雄懷

傷春

郝億祺

山行

遼陽王育普

高峯歷亂無人徑老樹欂枿碍客行偶至深山最深處野花多半不

知名

幽居

前人

慮少思方少言稀過自稀漏移知晝永簾靜覺風微讀易明休咎學

詩辨是非問君何所有道義以為歸景晏晷宵空仄坐澗人閒且

雪月

于振瀛

殘燈暗淡夜深涼  
寂寂柴門犬吠狂  
雪月輝煌人迹渺  
笛聲吹到韻悠揚

月夜感懷

姜福章

追思往事意悽然  
逝水光陰去等閒  
最是長宵空兀坐  
惱人明月照窗前

漢高祖歌風

前人

六龍驅轂莫徘徊  
暫罷長鯨返沛台  
狡兔盡烹念功狗  
大風一闋見雄懷

傷春

郝億祺

郝億祺



讀罷思前事光陰最可親  
春風剛覺到夏雨已來頻  
啼散枝頭鳥心傷陌上人  
踏青成往跡漫說草如茵

春日

前人

風光轉眼一時新  
山色江聲盡是春  
爲惜韶華多起早  
芸窗書史閱周秦

其二

前人

柳絲拂拂舞腰斜  
草色乍新艷艷花  
風日晴和人意好  
閒來無事彈琵琶

壽陽曲

鄉懷

孫際虞

好時候流水驟荷蓋  
滿池榴花瘦遊罷歸來小齋靜  
一片鄉情月光

透湖瀾水碧荷蓋滿  
新辭芬馥豈銷魂  
來小齋備一尺  
浪翻日光

撥不斷

憶弟

前人

花萼樓棠棣疇  
尋思三郎孰與侔  
姜家大被傲王侯  
豆萁笑魏邱同

胞難求

神機難除草  
寸寸濕體體  
芬風日翻味  
人意我聞來  
無事聊

清江引

觀荷寄弟

前人

荷開荷落年復年  
霜絲上鬢邊  
爾既難北上  
吾亦苦南還  
轉眼間又

是荷田田

一碧湖山  
竹瓦簷  
最春盈  
韻華  
趁早共  
商書史閱

偶成

六  
前人

孤松生碧野  
矯矯欲凌雲  
衆卉紛披艷  
超然志不羣

龍泉洞

光烈景同  
縣春風  
圓貫  
夏雨  
白來  
融  
前  
人

龍泉九夏氣蕭森  
瀾瀾細流出碧津  
古佛當門謹膜拜  
塵慮滌淨發

清吟

月牙泡

木蕪滌悲火  
蕭犬良圖  
對梁百爐  
如流回  
前  
人

綠樹蒼波出俗塵  
文鱗翕忽盪青蘋  
斯遊若是初弦夜  
皎皎溶溶興

倍伸

玉皇山

玉皇山  
玉皇山  
玉皇山  
玉皇山  
玉皇山  
玉皇山  
玉皇山  
玉皇山  
玉皇山  
玉皇山

瞰江曉日躍金波  
後樂輕霧浸碧柯  
萬象佳懷相默化  
忘情不覺日

西那

三泉亭

三泉亭  
三泉亭  
三泉亭  
三泉亭  
三泉亭  
三泉亭  
三泉亭  
三泉亭  
三泉亭  
三泉亭

前  
人

一泓碧水湧三泉  
綠柳成蔭繞岸邊  
唼食游魚荷間戲  
斜陽耀錦泛

輕船  
百畝離離莓熟初無邊葱翠駐輕車遊人絡繹斜陽晚萬縷炊煙繞  
碧虛

晚眺

金鉤對染  
前

雨住登山望江濤漫岸退汪洋浮澤國浩淼露林極濁浪排空起孤  
舟掠水斜  
夕陽燈火耀慟哭幾家家

農業公司看視

前

農業區中果木蕪深悲九載失良圖  
櫛梨百畝成荒甸桃李半坡沒  
草嶠蘋果株株枝孽盛葡萄架架子  
枌敷經營長策今何似乍步園  
林意不紆

飛機

前人

新生簇簇想非非  
水陸舟車已造微  
更有飛機天巧奪  
重洋萬里剎

那歸

雲生足下說仙蹊  
此事荒唐亦滑稽  
壯我航空霄漢志  
扶搖萬里白

雲低

取重其益

前人

育甘齋

漳臺山館意容攝  
懸管理法滋實自  
贊韻芬芬潤南春  
漸感悲韻

採蓮臨雨漲  
雲雲雲雲雲  
雲雲雲雲雲  
雲雲雲雲雲

蔡正田雲齋

暮春雜詠

十首

孫玉田雲藍

斜風細雨逐輕雷  
姹紫嫣紅次第開  
百轉流鶯歌小苑  
千條弱柳鎖章臺  
山僧款客親燒筍  
野老筵賓自發醅  
花落閒階春漸老  
悲啼惟有杜鵑哀

其二

前人

東風無力逐香塵  
瀲灩波光轉綠蘋  
未見花鬚舒柳眼  
已生絮果証蘭因  
一輪明月新知己  
萬卷圖書舊友人  
剪燭西窗閒琢句  
推敲幾度苦吟身

其三

邊關春老氣氤氳  
花自芬芳草自薰  
垂暮天晴雲淡淡  
侵晨霧斂日

昕昕青衫憔悴君憐我紅粉飄零我憶君楊柳樓頭應自悔封侯何  
必勸殷勤

其四

春風料峭不勝寒百轉詩腸窄復寬紫塞無功悲蠖屈青雲有路羨  
鵬轉亂花點點迷秦棧急雨紛紛暗楚巒柳絮沾泥難再起騷人撫  
取上吟臺

其五

春光兀自滿人寰塞外鶯花非等閒過客年華消綠鬢馳駒時序改  
紅顏風行水面波千頃雲散天空月一彎野鳥似留青帝駐爭將好  
語奏關關

蕭瑟其六雜詠

淙潺綠水映紅橋  
燕語鶯歌百轉嬌  
貼地楊花因雨打  
漫天柳絮藉風飄  
傳經正字情偏淡  
飲酒賦詩興轉饒  
壓線年年干底事  
歸心澎湃似春潮

艸土其七

春光漸減野人家  
綠轉浮萍水一涯  
燕壘新巢心半瘁  
鳥棲茂樹影全遮  
夕陽渡口觀飛絮  
斜月庭中踏落花  
絕塞無親悲異俗  
烏孫遠嫁抱琵琶

心其八

燕燕鶯鶯愛侶儔  
青彩紅紉結無由  
同登繡閣非秦贅  
共泣旗亭類



楚囚五夜鵲啼窗外樹三更人醉水邊樓功名富貴憑天定得好休時便好休

其九

閒庭雨霽綠苔侵勞燕分飛失故林玩月吹簫歌陌上臨風把酒醉花陰休將壽夭推三甲莫把升沈問六壬落魄江湖空自恨高山流水少知音

其十

一塘碧水載浮萍何事關心立鷺汀撩蝶花鬚香細細窺人柳眼色青青尋芳拾翠開胸臆繡佛參禪養性靈作客年來消瘦甚頭顱贏得髮星星

掛髮星星

清清暮茂餘翠關關  
出歸遊參購養拙靈  
君客涉來宵盡其瓶  
醜羸  
無無得亦蓬等轉兩  
事關亦立器其對難  
甚難各醉時窺人時  
細白  
非似其非

水少眠音

暮到村銀鏡天掛三  
甲莫野長於開六壬  
落動為騰空自是高  
山滿  
問與前語幾蒼髮幾  
葉長氣尖地地冠以  
刺流海潮注潮風出  
海潮  
嫁池其武

初更夜於

發四正齊滿湖前  
後樹三更火精水  
盛野與客有貴懸  
天家野秋於

增修通化縣志編輯後記

縣志者記一縣之人文史地也以性質言之包乎自然地理人文地理政治地理經濟地理及政治史風俗史文化史經濟史總諸史地之記書也然其體制則又異於普通史地而另具一格惟皆取實蹟不尚虛飾有史之長而無史之所短有褒而無貶尤爲足重焉彼春秋之作固爲夫子所筆削去其不實不盡而爲千古信史致一字之褒榮若冠冕一字之貶嚴如斧鉞亂臣賊子俱若雷電特出於夫子則可出於後人及吾輩則不可吾輩之德不足也故禹於增修縣志凡人一善之微一技之長足以徵獎後進者筆之褒之惟恐不至即窮谷僻壤匹夫愚婦於人生大節苟有孝友節烈之行雖賤必錄慈

善公益之舉雖微必獎所以勵末俗而箴士大夫者也若夫簪纓世家婢僕雲屯而霧集父也豐衣母也足食動作無勞子無不孝之責某也兄者某也弟者取用不盡無鬩牆之爭姒守柏舟姊甘未亡供應無缺乃鮮出位之思其孝友也節烈也易舉易成非君子所重也廣厦千間財高北斗以堆山一粟一布齋僧布道寸土隻椽興學輸邊作慊作慨沽名求譽初未知慈善公益之爲何物者縣志亦不取焉惟我邑開闢始於同光之間來者多冀魯之人慷慨悲歌出於天性以民戶爲傳舍來者不拒傾蓋攀談頓成知交人謂有古人遺風我謂高山大水爽直天成以五十餘之新天地習慣糅雜之社會乃有如斯之特別風氣已爲縣志增無量光榮雖然自初編至增修中

經八載孝友節烈各項事實新生及遺聞者必不止吾輩所得之數  
惜時間匆促調查不周爲愧對其人耳深望邑人士凡所有聞即節  
錄事實函送圖書館代爲保存以備他年三次增修彙總補入而免  
採可訪不及有失旌獎之意也

康德二年七月一日蕭注禹編輯後記於圖書館